

獲鹿縣志

671.1335
078
13

廣雅卷之四

給賦志

鹿泉古冀州域亦財賦之區前明崇正間履畝並徵繼以助餉兼行均輸法又計畝加練餉銀日朘月削民不聊生逃亡者衆此明祚所以不久也我

本朝定鼎鑿前代之失凡百弊政釐革一空康熙五十二年詔免滋生丁賦雍正二年攤丁匠銀於地糧十二年永不加賦正供外絲毫不以累民每遇偏災加

恩頒發帑銀動以百萬計宜乎戶口之數溢於成康田賦之法

優於貞觀矣至於課程鹽引上有關於

國計下有裨於民生則記載曷可稍畧焉作籍賦志

戶口

遼石城縣戶三千

明獲鹿縣編戶一十二里

洪武年間舊志

戶二千一百四十五
口二萬六千

嘉靖年間舊志

戶二千一百五十八
口二萬六千九十一

按洪武嘉靖年間戶口俱照府志敘入以補縣志之缺

本朝編戶一十八社

治年間原額下下人丁三萬八千三百一丁

節次編審增出下下人丁四千四百五十三丁

康熙二年清查自首土居下下人丁二千六十五丁

康熙五年編審新編下下人丁三百八丁

康熙十年編審新編下下人丁一千一百一十六丁

康熙十五年編審新編下下人丁一千一百九十五丁

康熙二十年編審新編下下人丁一百八十六丁

康熙二十五年編審新編下下人丁二百九十二丁

康熙二十八年正定衛歸本縣下下人丁二千二十三丁

額外優免共丁七十四丁

神武衛歸正定衛今歸本縣下人丁一百六十六丁

康熙三十年編審新編下人丁十丁

康熙三十五年編審新編下人丁二十丁

康熙四十年編審新編下人丁十一丁

康熙四十五年編審新編下人丁五丁

康熙五十年編審新編下人丁二丁

康熙五十五年編審新編下人丁三十三丁

康熙六十年編審新編下人丁一丁

雍正四年新編下下人丁三十丁

雍正九年新編下下人丁三十四丁

乾隆元年新編下下人丁四十七丁

乾隆六年新編下下人丁五丁

乾隆十一年新編下下人丁一十三丁

乾隆十六年新編下下人丁七丁

乾隆二十一年新編下下人丁七丁

乾隆二十六年新編下下人丁八丁

乾隆三十一年新編下下人丁一丁

乾隆三十六年新編下人丁一丁

乾隆三十七年奉文編審之例著永行停止

以上新舊人丁共五萬四百一十四丁內除

盛世滋生補剩餘丁一百八十七丁欽奉

恩詔永不加賦外實在通共下下則人丁五萬二百二十七丁每

丁徵銀不等共徵銀五千二百九十一兩八錢五分閏

月銀一百二十四兩九釐一毫六絲八忽一微四纖八

沙三塵七埃六渺於雍正元年奉

入地糧銀內徵收訖

續編戶口

嘉慶年間

戶三萬二千五百七十七
口十七萬四千一百零三

道光年間

戶三萬二千三百六十六
口十七萬五千三百九十六

咸豐年間

戶三萬一千八百五十六
口十七萬六千三百四十八

同治年間

戶三萬一千八百四十六
口十七萬六千七百四十一

光緒年間

戶三萬一千八百四十六
口十七萬六千零二十一

按乾隆三十七年停止編審嗣後丁口增盛因案卷霉爛無憑稽考惟嘉慶年至今續編戶口多寡均按歷年冊報

之數開載

論曰漢高祖入關諸將爭取財寶獨蕭何收丞相府天下
圖籍蓋言戶口之重也石邑戶口舊志所載雍正九年以
前可考者百不及一今按府志自洪武嘉靖以迄

國朝順治康熙丁口多寡補載於篇雖歷代版籍無從稽考
而管中窺豹庶幾可見一斑矣

一 順治年間判定條鞭賦役之法

田賦

夏田 四十四頃九十二畝八分九釐七毫六絲

秋田 九百六十二頃五十一畝五分六釐六毫

夏稅 八百九十三石九斗九升六合二勺

秋糧 一千九百一十四石六斗六升七合八勺一抄二撮
五圭

穀草 三萬五千五百四十九束九分六釐

農桑絲折絹 二百三十二疋九寸四分

人丁絲折絹 二百七十三疋

絲花 一千一百六十觔九錢一分六釐

站銀 一千八百二十八兩七錢七分九釐七毫五絲四忽

餘銀 七兩六錢四分四釐

銀差銀 一千五百二十五兩一錢

力差 五百三十三名銀三千九十九兩四錢

聽差銀 二百九十兩

食鹽鈔銀 六十九兩一錢五分六釐

課鈔銀 二兩六錢四釐二毫

熟山羊皮 一十二張

以上縣志無考今按府志敘入此皆萬厯年間條鞭賦役之法丁地兼派正供雜辦悉出其內順治初年因之並不另立各項名色通融折算計邑上中下三等每徵糧地一畝折徵正供雜辦並改折花絨銀若干視前朝之法更簡明也

一康熙年間刊定條鞭賦役之法

原額上中下三等折徵糧地九百六十二頃五十一畝五分六釐六毫照依行差徵糧科則每畝額徵銀不等共額徵銀一萬七千三百六十一兩五錢八分九釐六毫三絲八忽三微六纖四沙六塵六埃四渺四漠三湖內分

優免地三百八頃九十九畝二分奉文不免每畝徵正供雜辦並改折花絨銀一錢七分八釐七毫五絲八微六

織三沙八塵七埃九渺八漠共徵銀五千五百二十三
兩二錢五分八釐六毫九絲三忽一微九織四沙七塵
一埃六渺一漠六湖

行差地六百三頃四十三畝一分六釐每畝徵正供雜辦
並改折花絨銀一錢七分八釐七毫五絲八微六織三
沙八塵七埃九渺八漠共徵銀一萬七百八十六兩三
錢九分一釐九毫七絲九忽二微三織六沙九塵九埃
二渺一漠七湖嗣於康熙二十八年爲請

旨事案內本縣民杜坤等因長圈補給地二頃九十二畝七分一

釐三毫原係馬廠薄地當日照依小白民地之例折徵糧行差大地七十四畝二釐七毫七絲完納重糧懇請更正奉部准其照馬廠地畝科則納糧於二十九年爲始造入奏冊今遵照將原補馬廠地二頃九十二畝七分一釐三毫改入額外項下另例徵糧外此行差地內應除折徵糧地七十四畝二釐七毫七絲每畝除銀一錢七分八釐七毫五絲八微六纖三沙八塵七埃九渺八漠共除銀十三兩二錢三分二釐五毫一絲五忽三微二纖六沙三埃四渺六漠七湖四澄六清

實在行差地六百二頃六十九畝一分三釐二毫三絲每
畝徵正供雜辦並改折花絨銀一錢七分八釐七毫五
絲八微六纖三沙八塵七埃九渺八漠共徵銀一萬七
百七十三兩一錢五分九釐四毫六絲三忽九微一纖
九塵五埃七渺四漠九湖九虛五澄四清

寄莊地五十頃九畝二分六毫每畝徵正供雜辦比行差
加半倍並改折花絨銀二錢一分一毫一微三纖九沙
八埃九渺三漠共徵銀一千五十一兩九錢三分八釐
九毫六絲五忽九微三纖二沙九塵五埃六渺一漠

康熙十六年清查首出額內開墾行差下地一百八十六
頃九十四畝八分一釐八毫折徵糧地二十一頃七十
六畝七釐六毫九絲每畝照行差科則徵銀一錢七分
八釐七毫五絲八微六纖三沙八塵七埃九渺八漠共
徵銀三百八十八兩九錢七分五釐六毫二絲五忽七
微四纖三沙八塵七埃七渺一漠六湖

康熙十八年續查首出額內白地二十七畝四分二釐七
毫四絲折徵糧地三畝七分四釐五毫每畝照行差科
則徵銀一錢七分八釐七毫五絲八微六纖三沙八塵

七埃九渺八漠共徵銀六錢六分九釐四毫二絲一忽
九微八纖五沙二塵二埃九渺八漠五湖一虛

康熙三十五年自首額內小白下地三頃三十三畝九分
折徵糧地三十八畝八分六釐五毫九絲六忽每畝照
行差科則徵銀一錢七分八釐七毫五絲八微六纖三
沙八塵七埃九渺八漠共徵銀六兩九錢四分七釐三
毫三絲三忽九微二纖五沙五塵一埃七渺七漠五湖
一虛六澄八淨

康熙三十六年自首開墾額內行差小白下地八十二畝

三分二釐折徵糧地九畝五分八釐二毫四忽八微每
畝照行差科則徵銀一錢七分八釐七毫五絲八微六
纖三沙八塵七埃九渺八漠共徵銀一兩七錢一分二
釐七毫九絲九忽三微五纖七沙七塵三埃七渺七漠
九虛八澄三清

以上額內除將馬厰薄地改撥額外項下徵糧外

實剩額內共地九百八十四頃五畝八分八毫二絲八微
共徵銀一萬七千七百四十六兩六錢六分二釐二毫
九絲四忽五纖九塵九埃二渺二漠三湖一虛九澄七

清八淨共徵閏月銀四百五十八兩八錢三分三釐四毫六絲四忽三微七纖六塵七埃二渺二漠九湖三虛九澄

不在府總地

順治十四年清查增出開墾等地二頃四十畝九分五釐二毫六絲每畝照行差科則徵銀一錢七分八釐七毫五絲八微六纖三沙八塵七埃九渺八漠共徵銀四十三兩七分四毫八絲五忽四微四沙八埃三渺九漠

額外

馬廠牧地共地二百五十一頃一十九畝七分二毫共徵銀五百七十七兩六分八毫八絲內於順治六年圈給吳應熊莊頭共地一百七十五頃四十六畝一分五釐共除銀四百四十六兩二錢二分九釐九毫五絲六忽內於康熙十三年八月內奉文退出吳應熊壯丁地七頃七十畝復於康熙二十一年四月內爲取地事案內奉部差筆帖式阿哈山撥什庫達時四撥取康熙二十年退出吳應熊地三百五十晌內揀好地三百晌撥給內撥于底村莊頭周文星地八十晌又周通地八十晌

郭村莊頭線壹貴地八十晌內取撥地三十晌又康熙
十三年退出吳應熊匠役地一百一十晌以上共取撥
地三百晌交與會計司筆帖式和索立撥什庫達賴張
過喜收訖係隨還隨撥未經給民仍照除糧外實取撥
康熙十三年退出認糧地一百一十晌每晌照原退七
畝合算計地七頃七十畝續奉部駁照依新例每晌合
地六畝共合地六頃六十畝每畝除銀二分五釐四毫
三絲一忽七微九纖共除銀一十六兩七錢八分四釐
九毫八絲一忽四微應照例康熙二十一年爲始除糧

仍將剩地五十晌每晌合地七畝計地三頃五十畝給
民耕種照例於康熙二十一年徵糧實圈給吳應熊莊
頭並 內務府復取圈共地一百七十頃八十六畝一
分五釐共除銀四百三十四兩五錢三分一釐三毫三
絲二忽六微係莊頭耕種本縣並無徵解

實剩並退出馬廠牧地八十頃三十三畝五分五釐二毫
每畝徵銀一分七釐二毫七絲五忽六微六纖一沙九
塵二埃六渺六漠共徵銀一百四十二兩五錢三分六
釐七毫四絲七忽四微內於康熙十年奉

旨除豁順治十一年至康熙七年水衝地一十二頃三十一畝每

畝除銀一分七釐二毫七絲五忽六微六纖一沙九塵
二埃六渺六漠共除銀二十一兩二錢六分六釐三毫
三絲九忽八微三纖一沙六塵四埃四渺六漠

實在馬廠牧地並退回吳應熊壯丁地共六十八頃二畝
五分五釐二毫內

馬廠牧地六十三頃四十二畝五分五釐二毫每畝徵銀
一分七釐二毫七絲五忽六微六纖一沙九塵二埃六
渺六漠共徵銀一百九兩五錢七分一釐七毫八絲四

忽一微六纖八沙三塵五埃五渺四漠

康熙十三年及二十一年退出吳應熊壯丁給民耕種地
四頃六十畝每畝徵銀二分五釐四毫三絲一忽七微
九纖共徵銀十一兩六錢九分八釐六毫二絲三忽四
微於乾隆十一年奉文剔出另案造報訖

河淤籽粒地四十四頃八十六畝九分五釐每畝徵銀二
分三釐三纖三沙四塵三埃共徵銀一百三兩二錢自
順治十一年至康熙七年一概水衝成河於康熙十年
奉

充餉荒地六頃八十五畝四分每畝徵銀四分七釐四分
毫八絲三微三沙四塵七埃共徵銀三十二兩五錢四分
三釐

康熙十六年奉文查出單刊之外馬厰籽粒十厰共地八
十四頃五十八畝七分九釐五毫五絲每畝徵銀一分
七釐二毫七絲五忽六微六纖一沙九塵二埃六渺六
漠共徵銀一百四十六兩一錢三分一釐二毫九絲一
忽三微六纖四沙二塵四埃五渺四漠

又退出吳應熊壯丁地三頃二畝五分四釐八毫每畝徵銀二分五釐四毫三絲三忽七微九纖共徵銀七兩六錢九分四釐三毫三絲七忽二微九塵二埃

又清查河淤地二十六頃七十三畝二分五釐九毫五絲每畝徵銀二分三釐三纖三沙四塵三埃共徵銀六十一兩四錢八分五釐五絲七忽八微六纖七沙六埃五渺一漠

又清查荒地六十四畝七分一毫四絲每畝徵銀四分七釐四毫八絲三微三沙四塵七埃共徵銀三兩七分

二釐四絲六忽一微六沙九塵三埃三渺九漠

又清查出隱漏上地四頃四十畝每畝徵銀二分一釐二毫四絲四忽四微七纖共徵銀九兩三錢四分七釐五毫六絲六忽八微

又原撥補安肅縣莊頭周先進等衛地二頃一十畝二分照依安肅縣單書刊載衛地科則每畝徵銀一分八釐九絲四忽九微八纖九沙八塵一埃共徵銀三兩八錢三釐五毫六絲六忽八微五纖八沙六埃二渺

又馬廠籽粒地三十二頃三十二畝每畝徵銀二分五釐

共徵銀八十兩五錢五分

又神武衛歸併正定衛地今歸本縣共地六十八頃九十

四畝五分內分

下地五十五頃五十三畝九分每畝徵銀一分三釐四毫

八絲一忽七微共徵銀七十四兩八錢七分六釐一絲

三忽六微三纖

下下地一十三頃四十畝六分每畝徵銀五釐四毫二絲

五忽共徵銀七兩二錢七分二釐七毫五絲五忽

康熙十八年續查首出額外馬厰籽粒地一頃九十五畝

一分每畝徵銀一分七釐二毫七絲五忽六微六纖一
沙九塵二埃六渺六漠共徵銀三兩三錢七分四毫八
絲一忽六微四纖一沙八塵七埃九渺六漠六湖

康熙二十八年爲請

旨事案內奉文更正原補杜坤等馬厰地二頃九十二畝七分一

釐三毫每畝徵銀一分七釐二毫七絲五忽六微六纖
一沙九塵二埃六渺六漠共徵銀五兩五分六釐八毫
一絲八微二纖九沙五塵三埃八漠六湖五虛八澄

康熙二十八年正定衛歸併本縣共地四頃九十九畝六

分內分

上地三頃一十七畝三分每畝徵銀二分一釐二毫四絲
四忽四微七纖共徵銀六兩七錢四分八毫七絲三微
三纖一沙

中地一頃八十二畝三分每畝徵銀一分三釐八毫二絲
九忽六微二纖共徵銀二兩五錢二分一釐一毫三絲
九忽七微二纖六沙

康熙二十九年奉文歸併正定衛各屯自首地一頃六十
五畝三分內

上地五十一畝一分每畝徵銀二分一釐二毫四絲四忽
四微七纖共徵銀一兩八分五釐五毫九絲三忽四微
一纖七沙

中地五十一畝一分每畝徵銀一分三釐八毫二絲九忽
六微二纖共徵銀七錢六釐六毫九絲三忽五微八纖
二沙

又籽粒地六十三畝每畝徵銀二分五釐共徵銀一兩五
錢七分五釐

康熙三十年獲民石俊卿等買回撥補安肅縣民曹光祚

等正定衛地八十五頃七十三畝四分三釐九毫每畝
徵銀一分八釐九絲四忽九微八纖九沙八塵一埃共
徵銀一百五十五兩一錢三分六釐二毫九絲一忽三
微四纖一沙六塵五埃六渺五漠九湖

康熙三十三年獲民趙廷秀等買回撥補安肅縣土民師
勳等正定衛地二頃七十三畝四分每畝徵銀一分八
釐九絲四忽九微八纖九沙八塵一埃共徵銀四兩九
錢四分七釐一毫七絲二微一纖四沙五埃四渺

康熙三十五年自首正定衛中地二頃八十五畝四分每

畝徵銀一分三釐八毫二絲九忽六微二纖共徵銀三兩九錢四分六釐九毫七絲三忽五微四纖八沙

康熙三十六年自首正定衛中地九畝二分每畝徵銀一分三釐八毫二絲九忽六微二纖共徵銀一錢二分七釐二毫三絲二忽五微四沙

康熙三十六年獲民買回撥補安肅縣地四頃四十七畝每畝徵銀一分八釐九絲四忽九微八纖九沙八塵一埃共徵銀八兩八分八釐四毫六絲四微四纖五沙七

埃

康熙三十六年自首額外開墾壯丁地一十畝每畝徵銀二分五釐四毫三絲一忽七微九纖共徵銀二錢五分四釐三毫一絲七忽九微

以上額外除將馬厰河淤內改撥莊頭並豁除水衝各項地畝外

實剩額外共地三百九十九頃八十三畝四分一釐三毫共徵銀七百六十五兩二錢八分五毫九絲七忽六微七纖八沙九塵二埃六渺八漠一湖五虛八澄共徵閏月銀二十一兩四錢四分八釐一毫八絲六忽二微三

九沙二塵六埃五渺二漠三虛

以上額內額外實利其地一千三百八十三頃八十九畝二分二釐一毫二絲八微共徵銀一萬八千五百一十一兩九錢四分二釐八毫九絲一忽七微五纖九沙九塵一埃九渺四湖七虛七澄七清八淨共徵閏月銀四百八十兩二錢八分一釐六毫五絲六微九沙九塵三埃七渺四漠九湖六虛九澄

藥材銀二兩七錢八分三釐八毫三絲一忽二微五纖

此項有額無徵每年皆係官賠

一雍正年間判定條鞭賦役之法

原額上中下三等額內額外共徵糧地一千三百八十三

頃八十九畝二分二釐一毫二絲八微共徵銀一萬八

千五百一十一兩九錢四分二釐八毫九絲一忽七微

二纖九沙九塵一埃九渺四湖七虛七澄七清八淨

原額三等九則人丁通折下下丁五萬二百二十七丁每

丁徵銀不等共徵銀五千二百九十一兩八錢五分雍

正元年奉

銀兩均攤入地糧銀內徵收每糧銀一兩攤徵丁匠
銀二錢七釐二絲六忽八微一纖九沙二塵八埃二渺
七漠三湖本縣丁多糧少除攤減丁銀一千四百五十
九兩三錢八分一釐三毫四絲二忽三微八纖一沙六
塵一埃一渺八漠三湖八虛六澄三清三淨外實共攤
丁匠銀三千八百三十二兩四錢六分八釐六毫五絲
七忽六微一纖八沙三塵八埃八渺一漠六湖一虛三
澄六清七淨每兩均攤丁閏銀七釐九毫四絲一忽一
微七纖八沙五塵八埃二渺一漠二虛七澄四清共攤

丁閏銀一百四十七兩六釐六毫四絲四忽四微四沙
九塵一埃四渺六漠九湖五虛八清三淨於雍正二年
攤入地糧銀內徵收訖

一不在均攤之內旗退吳應熊壯丁地七頃六十二畝五
分四釐八毫共徵銀一十九兩三錢九分二釐九毫六
絲六微九塵二埃

一不在均攤之內藥材銀二兩七錢八分三釐八毫三絲
一忽二微五纖

以上額內額外及均攤丁匠並旗退藥材共銀二萬

二千三百六十六兩五錢八分八釐三毫四絲一忽
一微九纖九沙二塵二埃七渺二漠九虛一澄四清
五淨共徵閏月並丁閏銀六百二十七兩二錢八分
八釐二毫九絲五忽一纖四沙八塵五埃二渺一漠
九湖一虛九澄八清三淨

工部額外

匠價銀八兩一錢雍正元年奉

旨以雍正二年爲始攤入地糧銀內徵收訖

一 乾隆年間判定賦役之法

原額上中下三等額內額外共徵糧地一千三百八十三
頃八十九畝二分二釐一毫二絲八微又旗退壯丁地
七頃六十二畝五分四釐八毫共徵銀二萬二千三百
六十六兩五錢八分八釐三毫四絲一忽一微九纖九
沙二塵二埃七渺二漠九虛一澄四清五淨

額外

乾隆三年歸併安肅縣受補正定衛地三百四十七頃五

十畝八分八釐八毫每畝徵銀一分八釐九絲四忽九
微八纖九沙八塵一埃共徵銀六百二十八兩八錢一
分六釐九毫六絲四忽二微四纖八沙四塵五埃一渺
二漠八湖每兩均攤丁匠銀二錢七釐二絲六忽八微
一纖九沙二塵八埃二渺七漠三湖共徵攤丁匠銀一
百三十兩一錢八分一釐九毫七絲四忽一纖九沙三
塵七埃九渺一湖四虛四澄七清六淨八逸每兩均攤
丁匠銀七釐九毫四絲一忽一微七纖八沙五塵八埃
二渺一漠二虛七澄四清共徵攤丁匠銀四兩九錢九

分三釐五毫四絲七忽八微八沙五塵五埃二渺六漠
六湖五虛六澄八清六淨三邊

乾隆十年開墾荒地二十一畝八分五釐每畝徵銀四
分七釐四毫八絲三微三沙四塵七埃共徵銀一兩三
分七釐四毫四絲四忽六微三纖八塵一埃九渺五漠
每兩均攤丁匠銀二錢七釐二絲六忽八微一纖九沙
二塵八埃二渺七漠三湖共徵攤丁匠銀二錢一分四
釐七毫七絲八忽八微六纖二沙一塵五漠七虛一澄
六清六淨每兩均攤丁匠銀七釐九毫四絲一忽一微

七織八沙五塵八埃二渺一漠二虛七澄四清共徵攤
丁閏銀八釐二毫三絲八忽五微三織三沙八埃二渺
三漠八湖一虛二澄九清七淨

一吳應熊旗退壯丁地七頃六十二畝五分四釐八毫共
徵銀一十九兩三錢九分二釐九毫六絲六微九塵二
埃於乾隆十一年奉文剔出另案造冊奏報訖

以上額內額外共地一千七百三十一頃六十一畝
九分五釐九毫二絲八微共徵地糧銀一萬九千一
百四十一兩七錢九分七釐三毫六微九沙一塵八

埃九渺八漠二湖七虛七澄七清八淨共徵攤丁匠
銀三千九百六十二兩八錢六分五釐四毫一絲四
微九纖九沙八塵六埃七渺六漠八湖三虛九淨八
透通共地糧並藥材及均攤丁匠銀二萬三千一百
七兩四錢四分六釐五毫四絲二忽三微五纖九沙
五埃七渺五漠一湖七澄八清七淨八透共徵閏月
銀五百五十六兩三錢一分五釐四毫五絲二忽五
微八纖一沙五塵六埃八漠八湖一虛七澄又徵攤
丁閏銀一百五十二兩八釐四毫三絲七微四纖六

沙五塵四埃九渺七漠四湖二虛六清八淨三遠

嘉慶年間判定賦役之法

原額徵糧地畝照依乾隆年間額內額外並無增減各項
名色不復開載其地糧存留內於嘉慶六年奉文新增

文昌帝君祭品銀二十六兩六錢六分六釐

一道光年間判定賦役之法

原額徵糧地畝額內額外共地一千七百三十一頃六十

一畝九分五釐九毫二絲八微共徵地糧並藥材及均

攤丁匠銀二萬三千一百七兩四錢四分六釐五毫四

絲二忽三微五纖九沙五埃七渺五漠一湖七澄八清

七淨八邊共徵閏月並丁閏銀七百八兩三錢二分三

釐八毫八絲三忽三微二纖八沙五埃六渺六漠二湖

三虛七澄六清六淨三邊

道光三年民人王得祿等報墾陞科地一十五頃五十二
畝三分四釐每畝徵銀二分三釐三纖三沙四塵七埃
共徵銀三十五兩七錢三釐八毫七絲一微八纖九沙
四塵七埃二渺六漠二湖每兩均攤丁匠銀二錢七釐
二絲六忽八微一纖九沙二塵八埃二渺七漠三湖共
徵攤丁匠銀七兩三錢九分一釐每兩均攤丁閏銀七
釐九毫四絲一忽一微七纖八沙五塵八埃二渺一漠
二虛七澄四清共徵攤丁閏銀二錢八分四釐

以上額內額外並開墾及歸併買回各項共地一千

七百四十七頃一十四畝二分九釐九毫二絲八微
共徵地糧並藥材銀一萬九千一百八十兩二錢八
分五釐二忽四纖八沙六塵六埃二渺四漠四湖七
虛七澄七清八淨又徵攤丁匠銀三千九百七十兩
二錢五分六釐四毫一絲四微九纖九沙八塵六埃
七渺六漠八湖三虛九淨遇閏加徵並買回衛地及
自首開墾加閏銀五百五十六兩三錢一分五釐四
毫五絲二忽五微八纖一沙五塵六渺八漠八湖一
虛七澄又徵攤丁閏銀一百五十二兩二錢九分二

塵四臺三絲七微四纖六沙五塵四埃九渺七漠四
湖二虛六清六淨三透

一咸豐年間刊定賦役之法

原額徵糧地畝照依道光年間額內額外並無增減各項
名色不復開載惟地糧存留內於咸豐八年奉文裁減
舖司兵六成兵十八名裁銀一百八兩閏月銀九兩撥
歸地糧項下起運

一同治年間判定賦役之法

原額徵糧地畝額內額外並無增減各項名色不復開載

光緒年間刊定賦役之法

原額徵糧地畝額內額外並開墾及歸併買回各項共地
一千七百四十七頃一十四畝二分九釐九毫二絲八
微共徵地糧並藥材及均攤丁匠銀二萬三千一百五
十兩五錢四分一釐四毫一絲二忽五微四纖八沙五
塵三埃一漠三湖七澄八清七淨八遠共徵閏月並丁
閏銀七百八兩六錢七釐八毫八絲三忽三微二纖八
沙五埃六渺六漠二湖三虛七澄六清六淨三遠光緒

卷四
二年奉文

文昌帝君升入中祀每年二月初三日加祭一次自光緒元年爲始在於起運地糧內留支銀十三兩三錢三分三釐

本縣學田地共三頃四十畝零每畝徵租穀不等共徵租

穀四十石九斗八升

地畝租穀數目俱詳學校志不復重載

一起運

各部寺錢糧於康熙三年奉

旨總歸

下

存銀一萬六千五百五十八兩九錢三分五釐 遇閏

加銀二百二兩九錢四釐

存留俸工丁料等銀六千五百九十一兩六錢六釐 遇

閏加銀五百五兩七錢三釐

存留內現在欸項

部頒經制各欸節年奉裁奉復現在實支銀兩逐欸開列
以備稽考

供用庫本色芝麻一石二斗三升八合一勺每石價銀一
兩共支銀一兩二錢三分八釐二毫

本縣知縣

每年俸銀六十三兩四錢九分順治十四年新
裁銀一十八兩四錢九分康熙十五年全裁銀

四十五兩於康熙二十年奉復實支銀四十五兩

遇閏加銀五兩二錢九分八毫三絲順治十四年新裁銀

一兩五錢四分八毫四絲順治十六年全

支銀三兩七錢四分九釐九毫九絲

與... 三十一年兩五錢二分康熙十五年全裁於
二十二年奉復實支銀三十一兩五錢二分遇

開加銀二兩六錢二分六釐六
毫六絲順治十六年開銀全裁

教諭

每年俸銀三十一兩五錢二分於乾隆元年欽奉

上諭案內教職各員照品食俸增俸銀八兩四

錢八分實支銀四十兩 遇開加銀二兩六錢

二分六釐六毫六絲順治十六年開銀全裁

訓導

每年俸銀三十一兩五錢二分康熙三年奉文全裁

嗣於奏開錢糧入不敷出等事案內奉文復設但復

官不復俸其應支俸銀在於原編教諭額俸之內分支

又於乾隆元年欽奉

上諭案內教職各員照品

食俸復俸銀三十一兩五錢二分增俸銀八兩四錢八

分實支銀四十兩 遇開加銀二兩六錢二分六釐六

毫六絲康熙三

年奉文全裁

以上官俸共銀一百五十六兩五錢二分

督院門子四名

每年工食銀四十八兩康熙十四年裁銀二十四兩

於康熙二十年奉復實支銀四十八兩

遇閏加銀四兩

兩康熙十四年全裁於康熙二十年奉復仍支銀四兩

本府門子二名

每年工食銀一十四兩四錢順治九年會議裁銀二兩四錢康熙十四年裁銀六兩

康熙十五年全裁銀六兩於康熙二十年奉復實支銀

十二兩

遇閏加銀一兩二錢順治九年會議裁銀二兩

錢康熙十四年全裁銀一兩

康熙二十年奉復仍支銀一兩

本縣門子二名

每年工食銀一十四兩四錢順治九年會議裁銀二兩四錢又康熙十四年裁銀六兩

兩康熙十五年全裁銀六兩於康熙二十年奉復實支

銀十二兩

遇閏加銀一兩二錢順治九年會議裁銀二錢

康熙十四年全裁銀一兩

於康熙二十年奉復仍支銀一兩

皂隸十六名

每年工食銀一百一十五兩五錢順治九年會議裁銀十九兩二錢又康熙十四年裁銀

四十八兩康熙十五年全裁銀四十八兩於康熙二十年奉復實支銀九十六兩內減去皂隸三名工食銀一十八兩實支銀七十八兩遇閏加銀九兩六錢順治九年會議裁銀一兩六錢康熙十四年全裁銀八兩於康熙二十年奉復仍支銀八兩內減去皂隸三名閏月銀一兩五錢實支銀六兩五錢

新添伴作二名學習二名

工食銀一十八兩遇閏加銀一兩五錢

馬快八名

每年工食銀一百四十四兩順治九年會議裁銀九兩六錢又康熙十四年半裁銀六十七兩

二錢康熙十五年全裁銀六十七兩二錢於康熙二十年奉復實支銀一百三十四兩四錢遇閏加銀十二

兩順治九年會議裁銀八錢康熙十四年全裁銀一十一兩二錢於康熙二十年奉復實支銀一百六十六兩順治九年會議裁

民壯五十名

每年工食銀三百六十六兩順治九年會議裁銀六十兩又康熙十四年裁銀一百五十兩

康熙十五年全裁銀一百五十兩於康熙二十年奉復實支銀三百兩遇閏加銀三十兩順治九年會議裁

銀五兩康熙十四年全裁銀二十五兩
又康熙二十年奉復仍支銀二十五兩

看監禁卒八名

每年工食銀五十七兩六錢順治九年會
議裁銀九兩六錢又康熙十七年裁銀二

十四兩於康熙二十年奉復實支銀四十八兩 遇閏
加銀四兩八錢順治九年會議裁銀八錢康熙十四年

全裁銀四兩於康熙二
十年奉復仍支銀四兩

轎傘扇夫七名

每年工食銀五十兩四錢順治九年會議
裁銀八兩四錢又康熙十四年裁銀二十

一兩康熙十五年全裁銀二十一兩於康熙二十年奉
復實支銀四十二兩 遇閏加銀四兩二錢順治九年

會議裁銀七錢康熙十四年全裁銀三兩五
錢於康熙二十年奉復仍支銀三兩五錢

庫子四名

每年工食銀二十八兩八錢順治九年會議裁
銀四兩八錢又康熙十五年裁銀十二兩康熙

十七年全裁銀十二兩於康熙二十年奉復實支銀二
十四兩 遇閏加銀二兩四錢順治九年會議裁銀四

錢康熙十四年全裁銀二兩於
康熙二十年奉復仍支銀二兩

斗級四名

每年工食銀二十八兩八錢順治九年會議裁
銀四兩八錢又康熙十五年裁銀十二兩康熙
十七年全裁銀十二兩於康熙二十年奉復實支銀二
十四兩 遇閏加銀二兩四錢順治九年會議裁銀四
錢康熙十四年全裁銀二兩於
康熙二十年奉復仍支銀二兩

看守

先農壇農夫二名

每年工食銀十二兩
遇閏加銀一兩

典史門子一名

每年工食銀七兩二錢順治九年會議裁
銀一兩二錢又康熙十四年裁銀三兩康熙

熙十五年全裁銀三兩於康熙二十年奉復實支銀六
兩 遇閏加銀六錢順治九年會議裁銀一錢康熙十
四年全裁銀五錢於康熙
二十年奉復仍支銀五錢

皂隸四名

每年工食銀二十八兩八錢順治九年會議裁銀四兩八錢又康熙十四年裁銀十二兩康熙

十五年全裁銀十二兩於康熙二十年奉復實支銀二十四兩遇閏加銀二兩四錢順治九年會議裁銀四

錢康熙十四年全裁銀二兩於

康熙二十年奉復仍支銀二兩

馬夫一名

每年工食銀七兩二錢順治九年會議裁銀一兩二錢又康熙十四年裁銀三兩康熙十五年

全裁銀三兩於康熙二十年奉復實支銀六兩遇閏加銀六錢順治九年會議裁銀一錢康熙十四年全裁

銀五錢於康熙二十年奉復仍支銀五錢

儒學齋夫六名

每年工食銀七十二兩康熙三年奉裁訓導應裁三名銀三十六兩又康熙十四年

裁銀十八兩康熙十五年全裁銀一十八兩於康熙二十年奉復實支銀三十六兩遇閏加銀六兩康熙三

年裁訓導應裁三名銀三兩康熙十四年全裁銀三兩於康熙二十年奉復仍支銀三兩

膳夫二名

每年工食銀四十兩順治十四年新裁銀二十

六兩六錢六分六釐六毫又康熙十四年裁銀

錢六分六釐七毫於康熙二十年奉復實支銀一十三

兩三錢三分三釐四毫遇閏加銀三兩三錢三分三

釐三毫順治十四年新裁銀二兩二錢二分二釐二毫

康熙十四年全裁銀一兩一錢一分一釐一毫於康

熙二十年奉復仍支銀一兩一錢一分一釐一毫

門斗五名

掌教三名分教二名每年工食銀三十六兩康

熙十四年裁訓導應裁二名銀十四兩四錢又康

熙十四年裁銀十兩八錢康熙十五年全裁銀十兩八

錢於康熙二十年奉復實支銀二十一兩六錢遇閏

加銀三兩康熙三年裁訓導應裁二名銀一兩二錢康

熙十四年全裁銀一兩八錢於康熙二十年奉復仍支

銀一兩八錢

吹鼓手八名

每年工食銀四十八兩康熙十四年裁銀二

十四兩於康熙二十年奉復實支銀四十八

兩 遇閏加銀四兩康熙十四年全
裁於康熙二十年奉復仍支銀四兩

舖司兵三十名

每年工食銀一百八十兩康熙十七年裁
銀九十兩於康熙二十年奉復實支銀一

百八十兩

遇閏加銀十五兩康熙十四年全裁於康

熙二十年奉復仍支銀十五兩於咸豐八年奉裁銀一

百八兩開銀九兩實支銀

七十二兩閏月銀六兩

更夫五名

每年工食銀二十四兩康熙十五年全裁於康
熙二十年奉復仍支銀二十四兩 遇閏加銀

二兩康熙十四年全裁於康

熙二十年奉復仍支銀二兩

火夫十名

每年工食銀四十八兩康熙十五年全裁於康
熙二十年奉復實支銀四十八兩 遇閏加銀

四兩康熙十四年全裁於康

熙二十年奉復仍支銀四兩

以上各役工食共銀一千零五十一兩三錢三分三

釐 遇閏加銀八十七兩六錢一分一釐

本縣歲修

龍亭

銀一兩康熙十七年裁
銀五錢實支銀五錢

文廟

銀十兩康熙十七年裁銀五兩於康熙二十三年
欽奉 恩詔案內奉復仍支銀十兩

府學春秋二祭並名宦鄉賢

每年共銀八十兩康熙十七年裁銀四十兩於康熙十九

年奉復實支銀八十兩嗣於乾隆十三年奉裁銀二十兩實支銀六十兩

本縣

文廟崇聖名宦鄉賢春秋二大祭

每年銀四十兩康熙十七年裁銀二十兩於康熙十七

九年奉復實
支銀四十兩

文昌帝君三大祭銀

三十九兩九錢九分九釐嘉慶六年新設祭品銀二十六兩六錢六分六釐光

緒元年新增二月初三日加祭

一次銀十三兩三錢三分三釐

武廟三大祭銀

四十兩

社稷山川風雲雷雨城隍等神

每年春秋二大祭銀三十兩康熙十七年裁銀十五兩於

康熙十九年奉復

實支銀三十兩

無祀鬼神三小祭

每年銀十兩康熙十七年裁銀五兩於康熙十九年奉復實支銀十兩

鄉飲二次酒禮

每年銀十兩順治十四年新裁銀五兩於康熙二十三年奉復康熙十五年裁銀五

兩於康熙二十三年

奉復仍支銀十兩

朔望行香紙燭

每年銀一兩順治九年會議全裁於康熙二十三年奉復仍支銀一兩

以上歲修祭祀典禮等項共銀二百四十一兩四錢

九分九釐

二年一辦

貢生盤費花紅旗匾

銀四十兩每年該銀二十兩康熙十年

十兩於康熙二十年奉復實支銀二十兩嗣於康熙二十六年奉裁盤費銀十七兩五錢實支花紅旗匾銀二兩五錢

三年一辦

會試舉人

每名盤費銀十八兩每年該銀六兩康熙十四年裁銀三兩康熙十五年全裁銀三兩於康熙

二十年奉復實支銀六兩此項銀兩於康熙十二年奉文爲酌定文武等事案內文武按名均給

新中舉人

每名坊價銀八十兩每年該銀二十六兩六錢六分六釐六毫六絲七忽康熙十四年裁銀十三兩三錢三分三釐三毫三絲三忽五微康熙十五年全裁銀十三兩三錢三分三釐三毫三絲三忽五微於康熙二十年奉復實支銀二十六兩六錢六分六釐六毫六絲七忽

新中進士

每名坊價銀一百兩每年該銀三十三兩三錢三分三釐三毫三絲三忽康熙十四年裁銀十六兩六錢六分六釐六毫六絲六忽五微康熙十五年全裁銀十六兩六錢六分六釐六毫六絲六忽五微於康熙二十年奉復仍支銀三十三兩三錢三分三釐三毫三絲三忽

武關並入簾公晏

銀十兩每年該銀三兩三錢三分三釐三毫三絲三忽康熙十四年裁銀一兩六錢六分六釐六毫六絲六忽五微康熙十五年全裁銀一兩六錢六分六釐六毫六絲六忽五微二案於康熙二十三年奉復仍支銀三兩三錢三分三釐三毫三絲三忽

新中武舉人

每名花紅旗匾銀十兩每年該銀三兩三錢三分三釐三毫三絲三忽康熙十四年裁銀

一兩六錢六分六釐六毫六絲六忽五微康熙十五年全裁銀一兩六錢六分六釐六毫六絲六忽五微於康

熙二十年奉復仍實支銀三兩

三錢三分三釐三毫三絲三忽

新中武進士

每名花紅旗匾銀二十兩每年該銀六兩六錢六分六釐六毫七絲康熙十四年裁銀三

兩三錢三分三釐三毫三絲五忽康熙十五年全裁銀

三兩三錢三分三釐三毫三絲五忽於康熙二十年奉

復仍實支銀六兩六錢

六分六釐六毫七絲

會試謄錄書手

工食銀十六兩每年該銀五兩三錢三分三釐三毫三絲康熙十四年裁銀二兩六

錢六分六釐六毫六絲五忽康熙十五年全裁銀二兩

六錢六分六釐六毫六絲五忽於康熙二十年奉復仍

實支銀五兩三錢三

分三釐三毫三絲

以上帶辦共銀八十七兩一錢六分七釐

廩生二十名

月糧每年銀一百九十二兩順治十四年新裁銀一百二十八兩康熙二年全裁銀六十

四兩於康熙二十四年奉復仍支銀六十四兩遇閏

加銀十六兩順治十四年新裁銀十兩六錢六分六釐

七毫康熙二年全裁銀五兩三錢三分三釐三毫於康

熙二十四年奉復仍支銀五兩三錢三分三釐三毫

孤貧八十五名

月糧每年銀二百六十八兩七錢五分康熙十七年裁銀一百三十四兩三錢

七分五釐於康熙十九年奉復實支銀二百六十八兩

七錢五分又於乾隆三年推廣皇仁案內奉文

加增銀三十七兩二錢五分實支銀三百六兩遇閏

加銀二十二兩三錢九分五釐八毫三絲康熙十七年

裁銀一十一兩一錢九分七釐九毫一絲五忽又康熙

十九年奉復實支銀二十二兩三錢九分五釐八毫三

絲又於乾隆三年推廣皇仁案內奉文加增銀

三兩一錢四釐一毫七絲實支銀二十五兩五錢

冬衣布花

每年銀二十一兩二錢五分康熙十七年裁銀

十兩六錢二分五釐於康熙十九年奉復實支

皇仁

銀二十一兩二錢五分於乾隆六年推廣

案內奉文加增銀二兩四錢九釐六毫六絲五忽實支

銀二十三兩六錢五分九釐六毫六絲五忽

遇閏加

銀一兩七錢七分八毫三絲康熙十三年查出布花不

應加閏奉

文全裁

時憲書

每年銀三兩康熙十五年裁銀一兩五錢於康熙

二十年奉復實支銀三兩於雍正元年全裁雍正

八年奉復仍

實支銀三兩
以上廩糧等項共銀三百九十六兩六錢六分 遇

閏加銀三十兩零八錢三分三釐

鎮寧驛額設驛站工料並遞馬遞皂等夫並新增共銀四

千六百五十七兩一錢八分九釐 遇閏加銀三百八

十七兩二錢五分九釐

應支細款
詳載馬政

通共應支俸工工料等項銀六千五百九十一兩六

錢六釐 遇閏加銀五百五兩七錢三釐

一存留內已裁款項

井陘道心紅紙張

每年銀五十兩 遇閏加銀四兩一錢
六分六釐六毫七絲康熙十四年奉裁

蔬菜燭炭

每年銀五十兩 遇閏加銀四兩一錢
六分六釐六毫七絲順治十四年奉裁

本府推官桌圍傘扇

每年銀十兩順治十四年奉裁

照磨所門子一名

每年工食銀七兩二錢 遇閏加銀六錢康熙三十九年奉裁

本縣心紅紙張油燭

每年銀三十兩 遇閏加銀二兩五錢康熙十四年奉裁

修宅家伙

每年銀二十兩順治九年奉裁

迎送上司傘扇

銀十兩順治十四年奉裁

吏書十二名

每年正食銀一百二十九兩六錢 遇閏加銀十兩八錢康熙元年奉裁

燈夫四名

每年工食銀二十八兩八錢 遇閏加銀二兩四錢雍正五年奉裁

修理監倉

每年銀二十兩康熙十五年奉裁

庫書一名

每年工食銀十二兩 遇閏加銀一兩康熙元年奉裁

倉書一名

每年工食銀十二兩 遇閏加銀一兩康熙元年奉裁

典史書辦一名

每年工食銀七兩二錢 遇閏加銀六錢康熙元年奉裁

教諭學書一名

每年工食銀七兩二錢 遇閏加銀六錢康熙元年奉裁

教官二員喂馬草料

每年銀二十四兩 遇閏加銀二兩康熙十四年奉裁

鎮甯驛丞

每年俸銀三十一兩五錢二分 遇閏加銀二兩六錢二分六釐六毫六絲

書辦一名

每年工食銀七兩二錢
遇閏加銀六錢

皂隸二名

每年工食銀十四兩四錢
遇閏加銀一兩二錢

右驛丞衙門官吏俸工於順治十六年一併奉裁

館夫六名

每年工食銀四十三兩二錢
遇閏加銀三兩六錢
雍正五年奉文併館夫全裁

學院科歲二考並本縣季考生員

試卷花紅每年銀二十兩
康熙十四年奉裁

春牛芒神桃符門神酒席

每年銀五兩
康熙十五年奉裁

修理察院公館傢火等項

每年銀十兩
順治九年奉裁

跟隨察院門子三名

每年工食銀十八兩
遇閏加銀一兩五錢
雍正十二年奉裁

雜支供應過往上司下程中伙坐飯等項

每年銀四百兩
順治十四年裁

朝覲造冊紙張

銀五兩順治十四年奉裁

朝覲官吏盤費

銀五十五兩順治十四年奉裁

科舉生員賓興盤費花紅酒席

銀一百二十兩康熙十五年奉裁

順天鄉試貢院供給

銀四兩康熙十五年奉裁

本府司獄司皂隸二名

每年工食銀一十二兩遇閏加銀一兩於乾隆八年奉裁

縣丞一員

每年俸銀四十兩遇閏加銀三兩三錢三分三釐三毫三絲

書辦一名

每年工食銀七兩二錢遇閏加銀六錢康熙元年奉裁

門子一名

每年工食銀六兩遇閏加銀五錢

皂隸四名

每年工食銀二十四兩遇閏加銀二兩

馬夫一名

每年工食銀六兩
遇閏加銀五錢

右縣丞衙門官吏俸工於乾隆八年一併奉裁

一存退公產及旗民交產始末

一旗莊地畝舊係明功臣地畝

本朝圈佔爲旗莊共地一百二十七頃三十三畝二分外撥補地五十七頃四十四畝俱係旗人承種自赴內務府交租賞差並不在縣完糧

存退項下

一康熙十三年並二十一年退出吳應熊壯丁給民耕種地四頃六十畝

一康熙十六年清查退出吳應熊壯丁地三頃二畝五分四釐八毫

以上共計地七頃六十二畝五分四釐八毫每畝徵租銀不等共徵租銀六十七兩七錢三分七釐係官徵批解於咸豐元年七月內奉

戶部咨行飭將存退項下吳應熊壯丁給民耕種地七頃六十二畝五分四釐八毫交新放莊頭謝洪麟匡徵匡常祿三人承領當差於咸豐二年奏銷案內業已除租又於咸豐五年十月內奉

戶部咨行令將匡常蘇承領壯丁地一頃五分四釐八毫
租銀十二兩二錢八分七釐自行當差外所有謝洪
麟匡微二人將承領不堪耕種之壯丁地六頃六十
二畝在於內務府退還照舊入官徵收每年應徵租
銀五十五兩四錢五分

另案項下

一乾隆三十四年二月內奉

廂黃旗滿洲都統委員富查交原任侍郎高恆名下入官
旗地十三頃四十五畝一分六釐又地三十一畝又樓

瓦土草偏廈共房五十四間連地基五畝二分三釐七毫又空地基一畝九分二釐八毫五絲每畝間除減各徵銀不等共徵租銀二百七十九兩二錢四分八釐

一嘉慶二十二年二月內奉

戶部咨行查收原任山西巡撫伊桑阿抄產入官地一頃九十六畝一分一釐每畝除減徵租不等共徵租銀七十八兩二錢四分八釐

以上三項共計地十五頃七十二畝二分七釐又樓瓦土草偏廈共房五十四間連地基五畝二分三釐

七毫空地基一畝九分二釐八毫五絲通共徵租銀
三百五十七兩四錢九分六釐俱係官徵批解於咸
豐元年七月內奉

戶部咨行飭將另案項下房地租銀照數交新放莊頭謝
洪麟匡微匡常麟等三人承領當差於咸豐二年奏銷
案內業已除租

公產項下

一道光九年六月二十四日准

戶部咨行令將內務府領催莫爾更額控杜去非欠租霸

地案內撤出杜去非科升額等名下入官共地一頃六十五畝每畝徵租銀二錢一分共徵租銀三十四兩六錢五分

旗民交產項下

一咸豐三年三月內奉

戶部咨行飭查旗民交產案內於同治五年詳報民人什福全等置買旗產共地二頃五十三畝九分每畝議徵糧銀三分七釐五毫一絲共徵糧銀九兩五錢二分四釐

查前項存退項下康熙年間退出吳應熊壯丁地七頃六十二畝五分四釐八毫每畝徵糧銀二分五釐四毫三絲一忽七微九纖共徵銀十九兩三錢九分二釐九毫六絲六微九塵二埃原編入地糧內徵解於乾隆十一年奉文剔出另案造冊奏報又於乾隆三十四年間奉查酌復議徵租銀每畝不等現徵租銀六十七兩七錢三分七釐其前項存退另案俱係入官徵解於咸豐元年除莊頭承領外所有存退以及公產等項旗租悉照現在縣案奏報數目敘入以備稽核

論曰行政以愛民爲本而愛民以薄賦爲先貢稅乃

天家正供

國課攸關例有定額額內固不可妄減額外亦不可妄增每見奸書蠹吏狐假虎威弊竇多端凡百欺朦官民兩受其害卒令閭閻困苦幾幾乎敲骨吸髓民轉溝壑其慘有不可勝言者矣今按歷年賦役全書詳加考訂凡自明季以迄於今悉遵靈壽志式分按時代臚列徵額應徵應減俱奉明文不敢有一字之欺予今著載之不厭其詳非好爲繁瑣也但欲使後之官民洞悉細微俾奸書蠹吏無所用

其私庶幾官循其額不事追呼民急其公絕無逋欠此則
予之所厚望也夫

按存退公產及旗民交產舊志載在民戶之列今另立一
項將始終顛末詳細開入俾覽斯篇者眉目一清焉

課程

當舖

府志十六座現在三座每座稅銀五兩共稅銀一十五兩開增閉除並無定額

田房稅銀七十八兩五錢

每年贏餘不等

牛驢稅銀二十四兩九錢七分五釐

每年贏餘不等

豬布稅銀二十六兩九錢零四釐

牙帖稅銀

額設牙行一百一十二名應徵稅銀三十一兩三錢二分現在懸缺九十八名除稅銀二十七

兩四錢八分實剩牙行十四

名應徵稅銀三兩八錢四分

按牙帖稅額定三十一兩三錢二分舊志載三十六兩三

錢六分係照當時收徵數目載入非定額也

鹽政

原額鹽六千七百引加增三百七十七引康熙四十九年
分認京引三百二十五引共鹽七千四百零二引每引
課銀四錢六分六釐四毫二絲共應納課銀三千四百
五十二兩四錢四分八毫四絲

嘉慶十四年以前鹽價每觔十九文

十五年每觔二十一文

十七年每觔二十二文

道光元年奉文每引減一成共減額引七百四十引

實剩額引六千六百六十二引

元年每劬二十文

五年每劬二十二文

十八年每劬二十四文

道光二十二年奉文每引減一成共減額引六百六十六引

實剩額引五千九百九十六引

二十二年每劬二十六文

道光二十五年奉文共減額引七百六十六引

實剩額引五千三百三十引

二十九年每劬二十四文

咸豐八年每劬二十六文

同治十三年每劬二十八文

論曰鹽人一職始於周官自管仲相齊魚鹽之利甲於天下後世私鹽迭出百弊叢生而鹽課幾不可問矣我

朝額設官鹽例禁私販以王道行其霸術高出齊

主不以敵

美於成周之治哉

獲鹿縣志卷之五

世紀志

紀者紀其事也紀其事以傳後世也有爭戰則書之有沿革則書之有祥瑞災異則又書之殆仿春秋作史之法歟獲邑彈丸叢爾文獻無徵每慨漢唐以來軼事不少舊志間有缺畧今據歷代史朱子綱目補載一二聊以備邑乘之助云作世紀志

事畧

周

穆王癸丑獵於劔山之西河王至陘山之隧升於三道之

磴

穆天子傳

按郭璞註劔山在今常山石邑縣劔山卽陘

山

赧王十年趙武靈王伐中山取鄗石邑封龍東垣中山割

地請和

史記

按石邑卽今獲鹿

秦

始皇十八年秦使王翦伐趙下井陘滅之

綱目

按地志常

山郡石邑縣西有井陘山

二世元年冬十一月趙將李良已定常山還報趙王趙王

復使良畧太原至石邑秦兵塞未能前

綱目

漢

漢王二年韓信下趙井陘斬陳餘泚水上擒趙王歇信耳
聚兵井陘口號稱二十萬廣武君李左車說成安君曰
韓信張耳乘勝遠鬪其鋒不可當臣聞千里餽糧士有
饑色樵蘇後爨師不宿飽今井陘之道狹旁多阻隘行
數百里其勢糧食必在後願假臣奇兵三萬人從間道
絕其輜重足下深溝高壘勿與戰彼前不得鬪退不得
還野無所掠不十日而兩將之頭可致麾下否則必爲

二子所擒矣成安君不聽韓信乃敢引兵遂下未至井陘口三十里止舍夜半傳發選輕騎二千人每人持一赤幟從間道登葦山而望趙軍誠曰趙見我走必空壁逐我若疾入趙壁拔趙幟立漢赤幟使萬人先行出背水陣趙軍望見大笑平旦信建大將旗鼓行出井陘口趙開壁擊之大戰良久信耳佯棄鼓旗走水上軍趙果空壁逐之時信耳已入水上軍軍皆殊死戰不可敗信所出奇兵二千騎馳入趙壁皆拔趙幟立漢赤幟趙軍已不得信等還歸壁見壁皆漢幟大驚兵遂亂遁走漢

兵夾擊大破趙軍

史記

按井陘口卽今獲鹿西五里土

門關 又按趙壁史記註在恆州縣蔓縣境

一統志釋蔓卽今獲

鹿

舊志云井陘口今之獲鹿土門關按史記聚兵井陘口

正義曰井陘故關

故字後改固字

在并州石艾縣

又名上艾縣今山西平定

州

陘東十八里卽井陘口韓侯聚兵應不在土門然唐

書地理志云鎮州獲鹿有井陘關又名土門關元和志

云鎮州獲鹿有井陘口亦名土門口卽太行八陘之第

五陘也執此論之舊志所載亦不爲無據况考井陘志

古井陘有二一在井陘故關一在獲鹿土門關則舊志井陘口之說從可斷矣

文帝元年詔正定爲南粵王趙佗先人置守塚歲時奉祀

官其從昆弟

史記

按佗先塚卽在趙陵舖向屬正定今

屬獲鹿故增入

元鼎四年復封常山王子平爲正定王析置正定國治正

定縣以常山爲郡

漢書

常山王於天子爲最親旣廢詔封幼子平析正定縣蔓

藁城肥藁四縣爲正定國

通鑑

晉

永嘉三年王浚大破石勒於飛龍山

晉書卽封龍山

按括地志云封龍山在恆州鹿泉縣南四十五里

舊志山川

門載四

十里

南界屬元氏北界屬獲鹿舊志載之甚詳唐書

地理志省志郡志元氏志只載屬元氏誤矣

義熙十三年秋七月魏常山民司馬順謀亂於封龍山

北史

梁

普通七年杜洛周葛榮陷魏石邑民匿草山避之

北史

按一統志通志郡邑志皆謂草山卽今獲鹿抱犢山但

漢書註如淳曰草音蔽依山自覆蔽也師古曰蔽隱於山間使敵不見史記索隱亦云隱山自蔽勿令趙軍知則知草原非山名今謂之草山亦後人之附會云

大通二年魏爾朱榮謀塞井陘口

南北史

承聖三年齊廢樂城元氏改置井陘於石邑廢故縣入之

齊書

隋

開皇六年石邑縣屬恆山郡

隋書

十六年析石邑縣置屬并州

隋書

十八年改晉陽縣爲鼓城分置廉平縣於石邑

隋地理志

仁壽四年李子雄破漢劉建軍於抱犢山下擒晉陽守諒

廢爲庶人

綱目

大業元年五月省常山葦澤鹿泉靈山玉亭廉平柏肆新

市蒲吾等縣廉州廢

隋書

義寧元年復葦澤鹿泉柏肆等縣

隋書

唐

武德元年秋八月復置恆州治石邑

唐地理志

四年徙治正定以縣屬之

唐書

貞觀十七年改屬恆州郡

唐書

總章二年引石邑太白渠入正定以灌田

唐地理志

開耀元年裴行儉軍井陘口破突厥於金牙山

唐書

天寶二年自石邑引大唐渠入太白

唐地理志

十四年安祿山入寇十一月常山太守顏杲卿斬賊將

李欽湊於井陘口河北郡縣皆應之

唐書

十五年春正月詔郭子儀選良將分兵井陘口定河北

子儀初圍雲中至河北陷詔子儀選良將一人分兵先

出井陘定河北子儀薦光弼詔以光弼爲河東節度使

分朔方兵萬人與之

唐書

二月李光弼入常山執賊將安思義遂與史思明戰大敗之時常山九縣七附官軍惟九門藁城爲賊所據光

弼遣裨將張奉璋以兵五百戍石邑

綱目

至德元年改鹿泉爲獲鹿縣

唐地理志

二年安慶緒使張忠志據井陘口 按慶緒傳祿山旣

沒慶緒以井陘爲要地使張忠志爲常山太守兼圍練

使督精兵扼土門路

秋七月李光弼擊走之使部將張奉璋移守井陘口

光弼

傳

大曆十年李寶臣敗田承嗣於冀州開土門納雍王師東

討寶臣

天復元年朱金忠遣將會成德軍引兵入井陘土門

唐書

五代

梁

乾化元年春正月梁及晉軍戰於野河大敗

按綱鑑野河卽冶河

晉

貞明元年梁劉勣兵龍蓋晉陽遣周德威引兵千騎自土門

追敗之

晉書

周

顯德六年周王伐契丹命李重進將兵出土門擊北漢兵

周史

宋

開寶六年六月省石邑入獲鹿

太平興國二年帝自太原由土門幸常山

太宗本紀

淳化元年秋九月河北轉運使耿望開鎮州南河水入洩

河至趙州以利漕

宋史

按洩冰源出獲鹿縣境

至道三年行營鈐轄李繼宣逐契丹於豐隆山宋史按

豐隆山卽封龍山

祥符九年金詔義軍節度使必蘭阿魯帶復威州及獲鹿

金史

甯宗嘉定十三年秋八月金恆山武仙以眞定降蒙古木華黎以史天倪權知河北西路兵馬事武仙副之木華黎至滿城使蒙古不花將輕騎三千出倒馬關邊武仙遣葛鐵槍攻臺州蒙古不花與之遇葛鐵槍戰敗仙遂舉城降史天倪說木華黎曰今中原已粗定而大兵所

過猶縱抄掠非王者弔民伐罪之義且王爲天下除暴
豈可效他軍所爲木華黎善之卽下令禁剽掠軍中肅
然

熙寧六年省靈壽入行唐井陘入獲鹿平山

宋地理志

寶慶二年蒙古史天澤藁城之兵入正定武仙復走西山
抱犢寨藁城守董俊以銳卒數百援天澤天澤夜赴正
定與笑乃臺合攻仙走西山笑乃臺怒正定民反覆驅
萬人將斬之以示威天澤曰是皆吾民我力不能支一

旦委去不幸被脅今殺之何罪乃全釋之

宋史

金

貞祐四年蒙古侵贊皇金必蘭阿魯帶拒之遣都統奧屯

喜哥復威州及獲鹿縣

金史

興定三年陞獲鹿爲鎮寧州

金地
理志

四年河朔殘破州縣不能自立翰林承旨徒單鎬等請

募土人威望服衆者假以方面重權使保之故拜武仙

爲恆山公以中山正定府沃冀威鎮寧平定州抱犢寨

欒城南宮縣隸焉同時九府財賦富強恆山最盛

郡志

正大六年蒙古置總管府於正定路屬中書省以鎮寧州

爲西甯州

元地理志

元

至元二十四年以正定所牧官馬四萬分牧州郡元史

至正十八年察罕帖木兒屯兵塞井陘口元史

明

洪武元年大將徐達會常遇春於正定師出井陘口度

關明史

冬十一月大將軍徐達遣參政陸聚守井陘土門關達

發正定

舊志

十四年詔頒正定府各屬學校

經書

本紀

永樂十八年命正定府屬州縣養馬人丁二年一算駒俱免糧草一半初永樂十一年以民三戶養一牡馬五戶養一牝馬三年兩課駒至十三年每民三丁養牡一五丁養牝一牡約接牝同前至是定一牡只一丁養之牝用三丁牝約接亦同前二年一算駒養馬之人俱免

糧草一半

舊志

宣德三年秋九月令畿內正定等府州縣孳牧馬有當賠補者竟假俟明年秋成之後補之時諭行在兵部尚

書張本等曰比者畿內百姓多言今歲水澇田禾少收
宜優恤之故百姓蒙惠四年秋九月令戶部遣官巡視
正定等府州縣督民栽種桑棗時有建言自洪武中令
天下栽種桑棗實以爲民今民之無知者砍伐殆盡存
者亦多枯瘁有司不督民更栽以致民無所資乞令郡
縣督民以時栽種仍遣官巡視上曰古人宅不毛者有
里布祖宗養民之心甚至爾戶部其申明舊令務求實
效毋事虛文於是遣官巡視正定等府州縣課督之

宏治六年令正定等府所屬州縣人丁免養種馬止照地

畝牧養種馬額數算駒俱免糧草一半

明史

正德九年知縣劉鈇重修縣城

十六年知縣柴士元建東西南城門並樓三間

嘉靖十八年修沙河城工部派正定府屬州縣甄料銀兩

六十餘萬巡撫陳修奏請免不報秋又奏請俵馬暫行

折色制從之

明史

二十年遣太僕寺丞王京齎官銀九萬六千分派正定

等府州縣買解大馬四千八百匹

明史

秋八月令巡撫劉閏督大兵駐獲鹿西扼井陘檄知縣

劉塘川石包砌鹿城北面

舊志

二十一年設井陘兵備道調大名道張素之任駐劄獲

鹿提督固關等處

明紀

三十二年知縣趙惟勤修縣志

三十四年知縣趙惟勤用石包砌東西二甕城

萬曆三十八年巡撫都御史王國裁革正定等州縣解馬

戶役

明書

天啟三年巡撫都御史張鳳翊革正定等州縣徵收大戶

明紀
六年

崇禎六年流賊入西山犯固關縣境不靖二月井陘兵備

副使寇從化檄守備李定王國璽逐賊陷伏中敗沒

明史

十一年鹿城兵變焚掠殆盡署知縣居之蔭教諭楊密

訓導張孝友驛丞程士榮俱死之紳士殉難老幼男婦

民人被害者亦不少縣境東關外建取義祠立有碑記

十七年闖賊陷正定知府邱茂華中軍譚加福殺巡撫

徐標迎賊入城游擊陳三捷死節獲邑肆擾兵道出關

與闖賊戰被執不屈斃于獄

順元年遷正定府屬州縣明季所派俵馬

康熙八年移巡撫駐保定府以井陘道移駐正定

畿輔志

十五年復設正定州縣各學訓導

二十七年以正定衛戶籍歸併各州縣

四十二年裁井陘兵備道

畿輔志

按部議裁於二十

八年至四十二年出缺

冬十月

聖祖仁皇帝西巡躡獲鹿

雍正四年

詔免正定府屬被水縣邑通緩徵輸裁各縣驛丞

乾隆元年知縣韓國瓚修縣志

八年裁正定司獄及獲鹿縣丞

十三年建正定各州縣義倉

十八年知縣吳山鳳建留養局

詳保
息志

二十五年正月大兵平定伊犁由獲鹿凱旋

三十年五月奉

上諭發帑銀二萬四千兩修城

三十一年知縣謝清問督修城工三十四年工竣

三十九年知縣唐奕恩因太行白鹿兩書院久廢移建

於本願寺西改名曰鹿泉書院

普學
校志

四十年四月大兵平定金川由獲鹿凱旋進京

四十三年

恩免直隸各州縣本年錢糧

春知縣周棨重修文廟

四十七年知縣周棨修縣志稿成未刻

五十五年知縣鍾式欽補修縣城

嘉慶五年知縣孔傳金重修明倫堂

十八年滑縣教匪謀叛知縣王業懋團練鄉勇又辦協濟順德兵車六十輛騾馬百匹

二十年知縣王業懋請帑二萬七千兩修城

道光八年平哈什噶官軍路經縣境

九年知縣成章瓚在縣署北創建義倉九間

咸豐三年粵匪林鳳翔李開方由山西竄擾直境九月初三日陷欒城縣境不靖初四日練勇拿獲逆匪送縣殺之賊聞風畏懼東竄欒城初六日

欽差大臣勝、統帶大兵追賊過境

冬知縣程家駿修北城一段

五年知縣李同文籌項議修文廟

八年知縣郭會昌籌項議修文廟

九年知縣胡如川興修文廟

同治元年十二月二十二日捻首朱逆自陝西擁兵潰歸
由獲鹿東竄

七年正月二十二日

欽差大臣陝甘總督左宗棠統兵援直由井陘經縣境駐劄二
日柴米麵食札官紳公買民賴以安

八年十二月二十三日前提督軍門宋慶由東統兵赴

陝道經縣境

九年春知縣俞錫綱興修明倫堂忠義節孝兩祠甫經
開工旋卽調任知縣蘇性接辦承修八月初五日

欽差大臣督辦陝西軍務前湖廣總督李鴻章奉

旨移軍來直率馮步兵十餘營過境駐劄一日號令嚴肅不犯

秋毫

十二年知縣俞錫綱回任接修明倫堂忠義節孝兩祠

工於五碑

志

光緒二年知縣俞錫綱籌款重修縣志初稿甫定交卸

三年知縣壽頤籌款接修縣志

四年知縣錢慶培接修縣志告竣

論曰邑乘之有紀略大者則紀之小者則略之書年書月
義例發明或仿春秋或仿史記徵文考獻大抵志其上關
國計下繫民生之事也獲鹿自春秋以來素稱巖邑軍國
大事所在多有舊志記載本不甚詳加以乾隆丙辰迄今
百四十餘年歲久失修更不免有遺珠之憾茲就列史之
舊聞稗官之軼事分按年代挨次補葺雖無義例之可比

要不失據事直書之意云爾

災祥

漢

成帝鴻嘉四年秋八月鳳凰集石邑縣

舊志

元

至元二十九年夏五月正定中山新樂平山獲鹿元氏

壽典食桑盡無蠶

元史

明

永樂元年夏六月雨雹傷稼

明史

嘉靖八年夏大旱蝗歲大饑米價騰貴每斗米千餘錢餓

殍滿路

明紀

二十八年春夏大旱獲鹿等縣薦饑人相食

明典

三十二年秋大水田盡淹沒獲鹿等縣免田租三分市

月霖雨不止山水暴漲衝陷城西南角數丈隨修輒壞

米價昂貴知縣趙惟勤籌欸賑濟分遣吏役人等在各

寺觀公所朝夕煮粥計數立號哺給貧民富戶聞風踴

躍出粟輦載不絕糧亦充足不費公帑而活人無算

明志

三十五年秋大冰雹傷稼免田租三分

三十四年十二月地震十二日夜尤甚有聲如雷從西南去是時山西蒲州等處壞城郭廬舍壓斃居民不可勝計華山崩河水溢災變爲甚

國朝

順治十三年夏六月大旱

康熙四年秋旱獲鹿等縣雨雹

特免獲鹿靈壽等縣租稅十分之三

府志

七年夏六月大雨如注七晝夜城垣壞七十餘丈

十八年夏大旱民饑

特免晉州無極獲鹿靈壽行唐等縣租稅十分之三府志

十九年麥大熟

二十三年夏大旱秋淫雨

二十九年夏大水荒

五十四年六月大水秋稼熟

六十一年旱大饑斗米銀四錢民食樹皮

詔停徵發倉賑濟

雍正元年春夏旱

詔遣大臣仍發倉賑濟

四年

上諭畿南被水等處均緩徵秋豐稔

六年夏四月大疫中者多死是歲大有年九月十一日
雨霽

七年旱二麥不收

特恩蠲免直隸正賦四十一萬七千八百九十兩

八年八月十九日地震

十二年夏大旱秋霖雨爲災壞民居無數歲歉收

十三年五月大雨秋旱飛蝗生

乾隆二年夏旱秋大水

八年夏五月大熱暍死人甚衆

十四年秋雨雹傷稼

十六年夏水秋旱畿南及正定各州縣勘定被災分數

發倉賑饑

十七年夏秋大有年

二十一年大有秋

二十四年大旱夏五月始雨

四十一年夏旱入秋始雨

四十三年夏秋俱旱禾不實

四十四年麥秀雨歧大有秋

四十五年夏旱虔禱始雨麥黍俱有秋冬大雨雪

四十六年麥倍收夏飛蝗生冬大雪

嘉慶六年大雨水

八年春雨雹損麥

九年秋旱歉收

十年秋旱歉收

十五年旱

十七年旱歉收

十八年旱歉收城中井水皆竭

十九年大有

二十年秋八月十四日風霜損禾稼

二十一年春三月風霜損麥夏四月雨雹傷人畜無數

二十二年大饑知縣王業懋請糧放賑

二十三年夏四月初八日大風損麥

詔蠲田租之半近京等處更甚所傷人畜不可勝計

道光三年夏六月大水壞民房屋無數

狗屋鼎元
卷五
十六年大旱

十七年大旱糧價湧貴斗米八百餘錢斗麥千餘錢

三十年大有秋四月晦日夜有天狗星過境光芒萬丈
自西南入于東北聲如雷

咸豐元年五月十三日地震

三年秋大疫傷人無數五月二十四六月二十四七月
二十五日皆大雨山水陡發損壞民舍無數

六年雨暘不時禾不登場民有菜色

七年秋將熟飛蝗蔽天食禾殆盡歲大饑男婦埽蕪藜

爲食

八年二月八月彗星兩見

九年七月夜紅光起於西北亘於東北經三夜始散

十年二月大雪月餘三月四月晝星見

同治元年三月十八日風霾晝晦夏秋大疫傷人無數

二年夏迅雷疾風北郭墓碑損傷數十

四年正月大雨雪歲豐收 四月二十三日大雨雹

六年七月巳初天狗起東南紅光燭天入於西北其聲

如雷

七年春大雪夏麥稔

八年四月大雨雹傷人畜

九年夏六月大熱人多暍死

十年春大旱井水涸夏大雨秋七月二十七日雨七晝

夜壞民房無數

十二年八月雨雹傷禾

光緒元年冬無雪

二年春不雨夏大旱米價騰貴閏五月始雨有惡獸傷

人

三年麥有秋夏大旱不及種穀糧價湧貴斗米千餘錢
論曰五事敬則休徵應五事失則咎徵應甚矣洪範一書
皆天人感應之理後世災祥之說所由起也獲邑自漢而
下凡水旱凶荒雖微必錄蓋謂主德之隆替民生之休咎
應之後之令尹尙其恐懼修省爲民造福庶幾一鄉一邑
間有祥瑞而無災異也豈不幸甚

禱雨得瑞雪記

御史
傅光宅

萬厯丙戌丁亥歲秦晉燕趙齊魯之地民苦亢旱流離失
所憂塵至尊諸有民社疆場寄者不愛牲璧而禱禱未必

應卽應未必速而廣遠戊子二月井陘兵備副使前太僕寺卿鴻川許君戚然祇懼憂形於色因禮請達觀禪師拜而問之曰此方冬無積雪春復少雨老弱轉乎溝壑壯者散之四方困苦顛連豈天心不欲生活大衆乎抑或遠自慙不德獲罪於天爲斯民累也願師興大慈雲沛大法雨潤澤枯槁功德無量如是三請泣涕交下師慰之曰卽此一念天寵護之雨當卽至但我不必自祈乃命延舍利寺古峰通法師建場持咒許君齋戒沐浴旦夕稽首眞誠懇摯東百四十里有河伯西百四十里有大小二青以神龍

授法趙州大覺禪師者皆往禱之十七日始事次日而風起西北乃西北有雲不動東南雲起卻西行若相會者次日雲乃同又次日早霰集俄大雨雪遍千里外余適自晉陽來同達觀師坐螺髻山連珠洞對雪興嘆且驚且喜驚者天地鬼神通一慈念喜者人感天應民物迴生師因訓余曰此雪非自天降非自神得皆此心一念精誠所爲耳許使君之信力通法師之道力俱不可思議雷雨至而雪飛亦不可思議余惟天地鬼神人民物我本爲一體無二無別氣則聯屬理實共貫亢旱之災人則致之雨雪之應

心則感之天地鬼神何嘗一日忘斯民哉李廣之射頑石沒羽耿恭之拜枯井飛泉况仗此佛力以心感心者乎師又詰余曰子言是矣禱雨而雪將無背耶余曰是乃補冬之不足乎雨猶其常雪更瑞矣師曰然可爲我記之使此方民庶庶知許使君之功知通法師之恩知二青河伯之靈知天地鬼神之好生知感應之妙天人之理各各自淨其心則甘露遍滿宇宙非異事矣余受筆謹記如石

得雙穗麥不敢妄報詩以紀實

邑令

周 棨

亥年夏四月郊外刈麥繁農有來報者一本穗雙駢明日

遠郊至謂此何足奇吾里百餘家往往皆有之恐官不見
信連捆載以來東南盡如此四境蓋可知我笑謂農民實
有洵非虛嘉穀自呈瑞盛世不好諛靈芝及神雀在古蓋
鑒諸我願風雨足大田悉耘菑曾孫慶矣稟寡婦有滯遺
雖無兩歧秀樂亦何可知

飛蝗來

高古典

無數飛蝗蔽天來黑雲片片狂風催不知此孽起何處但
聞東北千里多爲災昨渡滹沱水今過鳳凰山迅速渾如
萬弩發霎時布滿城池間鹿城南北多田禾飛蝗更比田

禾多萬頃黃雲未期稜候如風捲歸巖阿蝗兮爾食我心
勿食我穀穗穗皆我心頭肉蝗兮爾食我肉勿食我黍黃
童白叟泣貧窶塵沙打面不能捕疾飛亂下如風雨小者
遲蠶食大者肆鯨吞一經過處蕩然無存蝗兮蝗兮飽我
糧爾旣飽兮爾可遠去於他方蝗身已肥蝗欲去悲哉更
生緣孽重爲殃飛蝗之災已爲極所生况復多於蝗吁嗟
乎今夏况無麥今秋復無禾無麥無禾奈歲何吁嗟民兮
奈若何

連年饑饉甚矣而更繼以飛蝗民生之困一至
於此奈歲何奈若何亦付之無可奈何而已矣

立春日瑞雪

邑令

韓國瓚

山花忽又報春歸，瑞雪盈庭繞四圍。
玉米逢時偏粒粒，銀花搭景故飛飛。
天將柳絮爲春信，風送鵝毛作羽衣。
石邑有年今可卜，山河遍地灑珠璣。

次前韻

邑人

丁增祐

寒廬久矣盼春歸，春至堂前雪四圍。
春愛雪明春藹藹，雪憐春暖雪飛飛。
陽春布漫河陽縣，瑞雪輕沾萊子衣。
雪霽春寒寒不覺，春朝雪案捧珠璣。

獲鹿縣志卷之六

祀典志

昔狄梁公毀淫祀一千七百所天下後世服其明然國有大事祀居其一有秩祀有羣祀秩祀者如社稷山川風雲雷雨之神是也歲有定制太常掌之至於羣祀若三皇若關帝若八蜡若先農若馬神以及城隍龍王火神劉猛將軍諸祭載在會典奉祀千秋外此建廟立祠馨香俎豆或以方位或以功德或以祈禱靈應沿襲既久出於人情所不能忘者所謂無文之祀可以義起焉因採其有功於世

不涉怪誕者附於篇作祀典志

社稷壇

舊在縣西郭外嘉靖二十九年知縣孟經改建城北奇石山下嘉靖三十四年知縣趙惟勤檢詳大

明會典內一條天下府州縣有司各建社稷壇於城西查得本縣西壇原係洪武年間創設已有定制無故廢置有乖典禮於是仍卽城西故址修建壇壝諸所規制悉復其舊地共計八畝每歲春秋仲月上戊日致祭按前明洪武元年頒壇制於天下郡邑俱設於本城西北左稷右社十一年定議太社稷同壇合祭在外王國及府州縣祀如之

風雲雷雨山川壇

舊在城南郭外迤東嘉靖二十九年知縣孟經改建於鹿泉東南雍正二年知

縣高煊重修乾隆三十二年知縣謝清問移建於太平河南岸上東西寬三十五步南北長三十七步共計地四畝六分六釐七毫每歲春秋仲月上戊日致祭

按漢唐宋風雷雨皆設壇以祀並不及雲明洪武二年詔風雲雷雨合爲一壇六年又並山川共爲一壇八年

又以城隍

合祭於壇

先農壇

在城東校場北正殿三楹配殿三間壇臺一座農夫坊三間大門一座雍正五年知縣高燾建每歲

清明後

亥日祭

按舊志 勅

建三月祀享

又按祀典前代雖有令郡縣祀先農之詔而不稱爲壇國朝勤民務本雍正四年令郡縣擇東郊潔靜豐腴之地

立壇以祀蓋千古曠典也其壇制則視社

稷蓋農非土不爲功亦以類相從之義

厲壇

在城北迤東計長三十五步闊三十四步共地四畝九分五釐八毫

按厲壇之設子產所謂鬼有所歸乃

不爲厲也清明七月望十月朔祀享

關帝廟

三座一在東門甕城嘉靖二十七年知縣沈寵建
修道光二十五年知縣華貴重修同治十三年官

民捐資重修一在陳關外校場南萬厝二十八年陳繼
祖創建光緒二年官民捐資重修一在潭溝係商賈自
行捐建不時重修歷任朔望行香在

甕城廟內春秋二祭在潭溝廟內

馬神廟

在縣治西正殿三楹道光二十六年知縣華貴重
修內塑馬祖馬步先牧司馬馬社朔望行香春秋

大祭

志曰按詩車攻吉日篇云吉日維戊既伯既禱鄭箋以
爲天駟房星之神周禮又有馬祖馬步馬社先牧之異
名冀北之郡馬政尤重有專官有廟祀典禮之正者也

邳侯廟

在西園乾隆十九年創建乾隆五十五
年同治六年邑人相繼重修俱有碑記

按神姓邳名彤東漢功臣之一封於靈壽故靈邑舊有
廟宇明天順時英宗病瘡夢有人陰治之遂愈卽夢中
所見繪圖求之乃神也封明靈王獲邑之建斯廟也豈
此地亦在食采中耶抑顯著靈異之後上人乃立廟以

便祈禱耶均
不可考矣

三皇廟

在城西北順
治六年建

按府志載元時令天下通祀伏羲神農黃帝此三皇廟
所由設與明會典載洪武四年始罷祀然廟存者尙多
大清會典順治元年議定每年二月十
一月上甲日致祭天下府州縣祀三皇

龍王廟

在城西北康熙三十年建嘉
慶十一年知縣丁攀龍重修

城隍廟

在南門內隆慶五年邑人會衆重修順治丁亥知
縣卜兆麟重修同治元年知縣劉嘉祥重修同治

壬申知縣福興重
修銅像記載後

按城隍旣壇事之而又廟享者蓋春秋二祭則
於壇朔望行香則於廟亦於彼於此之意與
又按明洪武元年加各城隍以封爵府曰公州曰侯
縣曰伯三年又詔革去封號止稱某處城隍之神

八蜡廟

舊在西關外雍正十三年知縣韓國瓚創建乾隆三十九年知縣唐奕恩移鹿泉書院前乾隆四十

七年知縣周榮以紳士公請改建鹿泉書院大門講堂并設義學移廟於城西北隅

志曰按禮經蜡之為祭所以報本反始息老送終也歲

十二月合聚萬物而索享之其神有八鄭康成謂一曰

先嗇二曰司嗇三曰農四曰郵表畷五曰貓虎六曰坊

七曰水庸八曰昆蟲是也先儒謂昆蟲是為田害者不

當祭而易以百種謂百穀之種也蓋自伊耆神農以下

蜡祭之禮皆所不廢夏更名曰嘉平商曰清祀周曰大

蜡秦曰臘唐貞觀中以季冬臘日蜡祭百神於南郊宋

建隆中命和峴定臘日蜡祭之儀古蜡則臘先祖五祀

於廟仲尼與於蜡賓事畢出遊於觀之上是也然則臘

亦謂之蜡矣傳曰既蜡而牧民息已君子不興功今考

蜡之畧以為

來者稽焉

劉猛將軍

在八蜡廟知縣周榮移建

畿輔通志劉猛將軍神名承忠吳川人元末授指揮壯歲詰戍奸盜斂戢適江淮飛蝗千里揮劍逐之蝗盡死後以王事自沈於河土人祠之有猛將之號雍正二年總督李維鈞以神靈蹟顯著奏請所在官司秩祀以春秋戊日祭同治四年奉文以神禦災捍患功德及民

加封普佑保康劉猛將軍

按劉猛將軍不見正史通志所據乃靈異錄蓋出自道藏或曰神諱宰字平國金壇人宋紹興中進士仕至浙江東倉司幹官告歸隱居三十年卒諡文清以正直爲神能驅蝗保穡俗稱將軍者誤也

正武廟

在縣治東北

明史北極佑聖真君者乃元武七宿後人以爲真君作龜蛇於其下宋真宗避諱改爲正武靖康初加號佑聖助順靈應真君

考元武之宿垣位於北其卦爲坎坎爲水故謂之先天始氣其祀在郊壇有日月星辰之配位非郡縣所得陞

祀況民間乎龜蛇亦星垣之象禪釋之徒撰爲詭異之說謂神爲人如楚王太子披髮出家之類或造飾讖言一切誣世又河北當星纏之次故香火叢興明永樂靖難師起嘗有靈應仍勅建道場於武當至今祀享不缺云

火神廟

在東門外

按禮記月令孟夏之月其帝炎帝其神祝融今民間祭以孟夏二十八日火旺時也夫有火而民乃熟食火之利於民者大矣其亦報功之意歟

土地廟

在縣署東

蕭曹廟

在縣署東

火公廟

在縣南故邑村南舊志大公誤作太公

按大公卽張大宏係郭莊人容貌魁梧幼家貧嘗傭工於曾子廉家好鎗棍善馳馬曾子廉甚愛之後遷居於封龍山下扶危救難慷慨有丈夫氣人皆以大公呼之時當隋末盜賊蜂起聞大宏之名皆不敢近鄰村居民因賴以安後宏死土人感德遂立祠塑像至今稱爲張大公廟現載碑記舊志未詳今備述之以訂廟名之訛云

落星臺廟

在縣治東南三十里東良相村嘉靖十四年建古有星殞爲石土人建廟祀之每年三月二十

三日四方商旅交易而退今

鄉民隨意拜祀無多人也

淮陰祠

二座創建年代均無可考一在西門甕城萬曆乙卯邑人孫化龍重修一在城西土門關成化八年

知縣劉濬重修隆慶辛未兵備道李幼滋重修乾隆元年知縣韓國瓚重修同治四年知縣劉嘉祥一律重修歷朝題詠殘碑林立俗傳韓廟傾碑爲八景之一

靜修祠

在太行書院元學士高健建久廢

取義祠

在東關外一里許祀崇禎戊寅殉難者碑文姓氏詳官師志

神母祠

在橫山村南邑人孫化龍撰記舊志載王思癩誤

本願寺

在縣治東北唐開元八年建

禪林寺

在海山之坡至城五里建於大定年間

三聖寺

在小馬村距城五十五里

瑞像寺

在馬村距城十八里

正像寺

在南簡良村北距城二十里

極樂寺

在東簡良村北距城二十二里

大會寺

在市莊村北
距城三十里

永佛寺

在徐莊村北
距城十五里

天寧寺

在寺家莊村北
成化二十三年建
距城四十五里

石佛寺

在張家營村

龍安寺

在龍貴村東
成化四十年建
距城四十里

華巖寺

在大談村

大寧寺

在鎮頭村東
距城三十里

清涼寺

在平同村南
萬曆二十二年建
距城五十里

天寧寺

在南杜村南
萬曆三十一年建
距城二十五里

白佛寺

在楊家莊

金河寺

在永壁村北正德三年建距城三十里

寶泉寺

在高遷村南正德四年建距城五十里

鐵佛寺

在城角莊今廢

釋迦寺

在城角莊村東宏治元年建距城二十八里

三教寺

在符家莊村南嘉靖五年建距城五里

興福寺

在西談村北距城二十三里

開善寺

在南栗村東元豐四年建距城五十里

吉祥寺

在東尹村北至正年間建距城五十里

臣國寺

在東許營村西至元年間建距城五十里

清涼寺

在荆壁舖村東至統年間建距城六十里

彌陀寺

在召卜口村南大德六年建距城五十里

興國寺

在尖嶺村天寶三年建距城四十里

興國寺

在平同村距城五十里

尹村寺

在尹村距城四十五里

香巖寺

在孫村距城四十里

萬安寺

在北郊馬村東距城七十里

延慶寺

在東王村距城四十里

興善寺

在賈村西萬歷十三年建距城五十里

石佛寺

在方村西北萬曆九年建距城五十里

同閣寺

在北同治村北治平三年建距城三十里

金河寺

在南甘子村東距城三十五里

普照寺

在郭莊村東成化二年建距城四十五里

法雲寺

在南故邑村西大定四年建距城四十里

大壁寺

在北故邑村東大定年間建距城三十五里

崔老寺

在南寨村今廢

龍泉寺

在韓莊村西北大德五年建距城二十里

白楊寺

在山下尹村東南地名
白楊長距城四十五里

寶泉寺

在上寨村西五峰
山距城四十里

觀音寺

在東崑村東
距城四十里

靈巖寺

在鄒家莊村西海螺
山畔金賜額靈巖

寶塔寺

在孟同村北元定泰二
年建距城十八里

大悲寺

在鄭村距城
三十五里

法良寺

在李村東距
城三十里

福勝寺

在焦村距
城六十里

寺峪寺

在北胡家莊村南
距城二十五里

吉祥寺

在岸下小畢樹康熙六十年建距城三十里

金闕宮

卽西十方院在西門外清幽僻靜近城勝地也康熙七年知縣唐彝道人唐圓琇張志貴建

白衣觀

卽東十方院在東門外二里

清正觀

在良政村南距城五十里

藥王觀

在西里村南距城三十里

良相觀

在東良相今廢

按釋奠之禮古者山川廟社皆用之宋以後惟先師稱釋奠以別於羣祀舊志載入學校不載入祀典尊之也至文昌閣魁星樓及名宦鄉賢忠義節孝四祠亦皆附列於學

校茲不重載

按靈壽志論曰余讀安州志言祀事之失嚴敬曰壇壝廟
宇宿莽積塵神王龕籠傾欹破毀几案皆烏鼠之迹庭除
有人畜之糞及祭祀屆期齋戒視爲虛文執事何嘗告戒
拂拭者濁膩重重滌濯者污垢班班菹醢不問生熟犧粢
未知精潔帶泥連草之菁芹含蛙蒙塵之棗栗凡百供陳
盡托僕隸有司旣不躬親又不省視嗚呼今天下如此者
多矣豈獨安州哉魯秉周禮禘自旣灌而後夫子猶不欲
觀而況如今日乎知禮君子其知敬畏哉其知敬畏哉

論曰天子祭天地諸侯祭山川大夫祭五祀士祭室神庶人祭祖先禮也自後世惑於吉凶禍福之說而專尙祈禱諂媚益工雖曰非族亦祀之矣獨不念神者聰明正直之謂明德維馨不享非禮乎嗚呼鄭伯祀周公魯臣旅泰山宜爲天下萬世所姍笑也禮云淫祀無福後之守土者尙其祭之以禮也可

社稷壇祝文

維

光緒 年歲次 月 朔越 日 直隸正定府獲鹿縣

知縣某等致祭於

社稷之神曰惟

神莫安九土粒食萬邦分五色以表封圻育三農而蕃稼穡恭
承守土肅展明禋時屆仲春敬修祀典庶丸丸松柏鞏磐
石於無疆翼翼黍苗佐神倉於不匱尙

饗

風雲雷雨壇祝文

維

光緒 年歲次

二月

朔越

日

直隸正定府獲鹿

縣知縣某等致祭於

風雲雷雨

山川

城隍之神曰惟

神贊襄天澤福佑蒼黎佐靈化以流行生成永賴乘氣機而鼓
盪溫肅攸宜磅礴高深長保安貞之吉憑依鞏固實資捍
禦之功幸民俗之殷盈仰神明之庇護恭修歲祀正值良
辰敬潔豆遵祇陳牲幣尙

饗

先農壇祝文

維

光緒 年 月 日直隸正定府獲鹿縣知縣某等謹以
牲帛醴齊粢盛庶品之儀致祭於

先農之神曰惟

神肇興稼穡立我烝民頌思文之德克配彼天念率育之功常
陳時夏茲當東作咸服先疇洪惟

九五之尊歲舉

三推之典恭膺守土敢忘勞民謹奉彝章聿修祀事惟願五風

十雨嘉祥恆沐

神庥庶幾九穗兩歧上瑞頻書大有尙

饗

厲壇祝文

維

光緒 年 月 日直隸正定府獲鹿縣知縣某等謹以
牲醴黍稷之儀致祭於

城隍之神暨闔境無祀孤魂等衆曰幽明異路守土維均命拆
殊名求食罔異維聰明正直而一有以作之鑒觀庶焄蒿

悽愴之情無不極其情狀爰遵定制聿舉明禋凡斯無祀
之魂俱屬有生之類爲男爲女姓莫紀於宮商是故是新
代何稽於子丑號風嘯雨斷子姓而疇依附草棲烟絕姻
親其何托謹設壇於城北仰主祭於

尊神維茲

中元
禁烟
焚衣

之節敬備牲醴肅具飯羹統一境之幽魂索羣

靈而大亨鬼言歸也庶幾望壇境以知歸神之格思尚其
鑒馨香而來格尚

饗

關帝祝文

維

光緒 年歲次

二月

朔越

日直隸正定府獲鹿縣

知縣某等致祭於

忠義神武靈佑仁勇威顯護國保民關聖大帝神位前曰惟

神星日英靈乾坤正氣允文允武紹聖學於千秋至大至剛顯

神威於六合仰聲靈之赫濯崇典禮於馨香茲當仲春用

昭時饗惟祈昭格克鑒精虔尚

饗

關帝三代祝文

維

光緒 年歲次

二月 朔

越

日直隸正定府獲鹿縣

儒學教諭某等致祭於

關帝之

曾祖光昭王

祖裕昌王

父成忠王曰惟

王世澤覃麻令儀裕後靈鍾河嶽篤生神武之英誠溯淵源宜

切尊崇之報班爵超躬桓而上升香肅俎豆之陳茲際仲

春 爰修祀事尙祈
秋

昭鑒武比苾芬尙

饗

城隍祝文

維

光緒 年 月 日獲鹿縣知縣某等謹以牲帛醴齊粢
盛庶品之儀致祭於

城隍之神曰惟神德懋聰明功隆捍禦壯金湯於千載崇墉表
畿甸之規節風雨於四時和會佐歲功之敘禍淫福善顯

呈有赫之靈威旱物康民默想無私之化育神庥丕應
典宜昭敬揀日時肅陳牲帛馨香惟德鑒格在茲尙

饗

西門甕城重修韓侯廟記

明
孫化龍邑人

淮陰侯韓公漢高大將也蹙項安劉功蓋天下事載青史
人人俱知之矣其兵出井陘口破趙擒餘俾一方士民安
堵厥功亦非細焉里人感慕功德於山下立廟尸祝自漢
迄今千有餘載香火供奉不絕有以也在城舊無公廟有
之自嘉靖中年始蓋壬寅癸卯間所建也余聞關壽亭侯

廟在十字街西當人烟闐闐處邑人有居相鄰者以知印
服役兵道日久得其心利其地因請移之東門甕城而西
門立侯廟以配之蓋子產立公孫洩之意云今七十餘年
矣歷年既久典守無人門庭任其開閉朔望誰爲瞻謁內
而塵埃漫漶外而風雨摧殘甍瓦剝落牆垣傾頽棟宇敝
陋觀者爲之太息余時往來祠下深用惻然久欲重加修
葺以付托無人未果萬曆乙卯之春余捐資十兩令姪孫
斯秀斯秀更釀金十三兩庀才糾役以二月望日越月告
竣傾圮敝壞煥然一新矣廟後舊有抱廈一楹今復之前

爲小門成一院落以爲緇黃看廟之所斯秀豎碑廟左請
誌歲月余因是竊有感焉夫淮陰漢初之名將也壽亭漢
末之忠臣也淮陰之拒涉拒通壽亭之辭曹歸漢其心事
同也至於功業之成淮陰似爲勝之然而人情之崇奉獨
於壽亭爲重而韓廟淒然荒涼無人軫念豈以公之爲靈
不足爲人禍福耶夫祀典之設本以報功非爲祈福故禮
云以勞定國則祀之韓廟之修惟知破趙功德不可忘耳
他何計焉斯秀執事勤恪工用早成其志可嘉其餘輸財
助工者雖多寡不同同歸好義是用備書碑陰以垂不朽

萬曆二十六年七月初二日立

重修韓廟碑記

邑令 韓國瓚 廣臺人

且天生非常之人具非常之才值非常之時建非常之功而罹非常之禍上下千古孰有如漢淮陰侯者乎按侯淮陰人也垂釣淮濱慨然有囊括四海席卷宇內之志仗劍擇主投楚勿庸繼乃歸漢斯時也項強劉弱項王背約王沛公於漢中將士思東率多亡者漢王聞丞相何亡爲之失措旣乃知爲侯也遂定策拜將行推轂禮授以兵柄而侯登壇數語料楚王如指諸掌於是下令修張良所燒棧

道侯率思歸之士疾走陳倉迅雷不及掩耳雍翟塞三降
王就俘而關中以定此兵法所謂攻其無備出其不意者
也於是復與張耳略趙地至井陘口車不方軌馬不成列
趙人恃險其負固也宜然侯乃背水出奇拔趙幟豎漢幟
斬將成功奇謀勝算今古莫敵此兵法所謂置之死地而
能生置之亡地而能存者也於是而收燕下齊乘破竹之
勢迎刃而解漢鼎聿新當此之時微侯之才之功不至此
而惜乎其禍之慘且酷也此千古之所同慨也夫雍正癸
丑冬余調任獲鹿問俗採風檢閱舊志有韓廟殘碑者爲

八景之一公餘訪其蹟以志景仰古人之意而蔓草荒煙
頽垣折棟空山古廟遺址僅存而已慨然思有以整頓之
而卒無暇晷未能也越歲乙卯始以重修之議諮諸士大
夫士大夫欣然咸樂從之遂興工於雍正乙卯之夏而告
竣於乾隆丙辰之夏凡一載落成之日士大夫以重修碑
記爲請余曰碑者悲也悲往以垂永久也余不文弗勝是
任然亦弗獲辭爰舉侯之人之才之時之功之禍而陳其
概且因其禍速而兵法不傳於世爲更可惜也是爲記

城隍廟銅像記

知州 王良卿 邑人

鬼神之說君子以班小人以情情通而理不悖始可與言
鬼神矣城隍廟自天子都以及郡邑皆有而祀之古也易
曰城復于隍謂治亂泰否之機如循環然必神以尸之惟
君子明理可以語此齊民愚婦謂祈禱禳嘗神所專職故
嚴惴以事之誠信以向之徵夢寐以神其說虔禱禮以干
其私演幻變以核其事捐嗜好以昭其衷謂神必是之狗
豈理也哉人不知神之不徇其情而可以心感獲鹿城隍
廟有前後殿前殿有神像以示威後殿塑神像兼塑夫人
像以配其右舊俱土木邑人欲鑄之金力弗能耳先年老

僧遊五臺道經吾邑而病作自祈病愈於後殿二像鑄以
銅居無何果愈老僧自謂有神與焉老僧尋歸嘉靖丙戌
其徒顯靈以纘其緒邑人相從義輸費以贊其功不日告
成是後顯靈雲遊不知所在今年辛卯道士薛元輝輩請
愚記其事愚以老僧遇病不祈於王僧教者而顧祈於是
其病之愈未必果神佑也而神像之成實基於是夫像成
於靈碑成於輝文成於愚作之述之理與情皆然也若夫
作善神降之祥作不善神降之殃善不善驗之吾心之公
私而已非如齊民愚婦所謂祈禳云也愚敢爲邑人告

劉猛將軍廟碑

邑令

韓國瓚

廣靈人

嘗讀雅田祖有神秉異炎火之什而得報賽之義焉又按
祭法以禘定國則祀之以勤死事則祀之劉猛將軍之廟
夫何爲者哉蓋將軍生於元季以武衛官江淮間天性純
篤愛撫黔黎維時災眚疊見兼之蝗蝻生發民乃大饑流
離溝壑心慘目傷將軍欲發粟以賑則格於成例欲上請
於朝又饑難待命仗劍疾驅以盡厥職旣而殉國不顧其
命一腔忠義固宜格天心而入民隱之深矣是以江淮間
皆廟祀而奉之然在東南溼瘴之鄉未及西北高燥之地

也雍正二年當事者條奏請祀將軍遂奉

命勅所在咸建廟然無可動之項是以北直惟保定等一二府縣
治有廟其餘皆有待焉雍正乙卯夏鹿邑蝻子萌生奉憲
羽檄飭捕余盡力率丁壯父老撲捕之且私禱於神曰願
藉神威滅此朝食俾無噍類當卽建廟以奉神明以永護
我農功未幾蝻卽淨盡乾隆元年春遂擇地於城外之西
北隅自創造以至工竣不三月而事畢共正殿若干楹配
殿若干楹爲門二繚以周垣設位致祭以妥以禋祭畢進
父老而告之曰將軍以勞定國以死勤事神靈赫濯衛我

夏商今日之祭與古報賽之義何殊焉嗣今以後卽以大田諸詩爲將軍迎神送神之曲也可是爲記

符家莊重修八蜡廟記

明孫化龍邑人

蜡自三代有之蓋天子諸侯之祭也夏日嘉平殷曰清祀周曰大蜡孔子在魯與於蜡賓是也郊特牲曰蜡也者索也歲十二月合聚萬物而索饗之也又名曰臘左傳曰虞不臘矣玉燭寶典曰臘以祭先祖蜡以祭百神同日而異祭也先正有謂秦始皇改爲臘恐非也八蜡維何一先嗇二司嗇三農四郵表畷五貓虎六坊七水庸八昆蟲先嗇若

神農司嗇后稷是也蜡之祭也諸神莫不與而所重者八以其尤有功於田也昆蟲漢儒鄭元所定而宋儒張載陳祥道非之我朝名公邱文莊蔡虛齋亦非之然漢代去古未遠鄭公豈無所見而云然乎昆蟲水旱之災必有神以至其中不佞所覩已酉之秋邑里田間有蟲狀如蠶大如人小指五色備具卒然而來遍滿隴畝食菽花葉殆盡人不能禦蓋從來所未見者然則以昆蟲爲八蜡之一奚不可也斯禮也歷代率因之國朝稽古制禮獨於蜡祭闕略然郡邑村鄉往往有廟祀焉蓋食爲民天報本反始人有

同心天災流行螟蝗時有農家者流徼惠神明義不敢忘
所由來久矣第愚氓無知罔諳源委八神一像於義難通
藁爾數椽神何以安至於歲時祭享儉薄反不如淫祀鬼
神之盛名曰敬之其實慢之可慨也庚戌之夏邑令芮城
任公重建城西蜡廟特爲拓大并易以木主及繪各神於
兩壁間公爲政留心民事故於蜡廟特加意焉詳具余碑
記中符家莊邑南一村落耳距城五里余別業在焉舊有
蜡廟在村東偏不知何年所建塑像非禮又褊小而做陋
余往來村中數過其下有感於衷久欲更置無可與謀甲

寅之春余捐金庀材命工營建於村北路口爲廟一楹背
坎面離越月告成木主繪事悉如邑城蜡廟之制仍考據
典籍備書於碑俾鄉人知八蜡之義如此又知自昔祀典
崇重如此庶幾歲時祭報肅然敬共而不敢輕慢所以重
神明禮教也若夫土歸其宅水返其壑昆蟲不作歲事豐
稔家給人足安享太平里人之幸也而非余之所敢必也
南同冶建立玉皇廟記

崔應麒

邑人

獲鹿南同冶村村在邑之東南隅民多富麗而秀好施予
崇道教有道人李靜會謂厥王李強曰此鄉北有岫山南

有龍潭西有玉山東有名川且脈接封龍泉源浚水乃龍
虎局也況村西之野厥土燥剛厥位向陽宜創玉皇大帝
殿強感其言首捐十金男五人各捐貲以助之靜會懇地
於里人李儒儒與叔母高氏兄仲留同心捐地二畝餘里
人曰此殿成矣鄉衆李沛卿李濟解還王天祥相與捐貲
募緣聚設材木工料隨用而足不日創玉皇大殿三楹左
鐘樓右鼓樓大門一楹石橋一空廟貌威嚴靈感異常奉
祀以時凡風雨災祥有關民情者咸禱之禱輒應以成之
速故感之神也工告成當刻石以紀歲月並里人姓名韓

姓伯禮者夙以義勇稱率大衆數十人懇予姻郭通衢爲
記予姻以業舉辭懇予代記焉予曰此義舉也然廟之撤
號其名不可紊里之崇祀其功不可沒予考六號之辨內
一曰神號謂尊天曰皇天上帝以四字言之則惟皇天上
帝昊天上帝之類以氣之所主而言則隨時隨方而立名
如青帝赤帝黃帝白帝黑帝之類其實則一天也漢儒附
會爲六天五帝之說既有昊天上帝又有天皇帝又有
太乙感生帝之類皆未諳正禮也又塑上帝像與天皇紫
微並列至其所謂上帝稱號又於昊天之下加以金闕於

上帝之上加以玉皇夫曰金曰玉世俗之所寶者而非大道之所寓也顧以世俗所尚者爲上帝之尊稱不幾於褻瀆矣乎我朝祀典之正因革有定議矣復云玉皇大帝者非承襲前代之舊民亦循其故而奉祀之不可改與然天之爲天理也帝天之理不可易神之稱號亦不可易六天五帝之說於神乎何尤民之崇祀竭其誠也益曰至誠感神伊尹曰鬼神無常享享於克誠里人立廟之意特取其誠而已固不計其神號之所從來也惟神靈且應能勸善亦能懲惡其裨於世教者豈淺鮮哉

橫山村重修李母祠記

明孫化龍邑人

邑南十五里爲橫山其絕頂有李母神祠相傳漢嘉平時
縣蔓鄉人然不可考矣祠舊在山麓元大德間始遷於是
歲久頽敝鄉人李時等釀財增修殿廡之制藻繪之功視
昔闕敝偉麗工始於嘉靖之癸亥終於隆慶之甲子工旣
完相率族叔承祖來請爲記族叔妻於其鄉故其人因之
以請予不能辭乃爲之記其歲月而因以告之曰神道幽
冥世俗一切禍福感應之說未可測其有無審有之然揆
之以理必因人素行之何如而非專以祀典修否之故也

習俗沈溺已久以爲敬禮神明卽可以獲福而行己之間
漫不加意故祠宇之制隆矣而祖考之祀未聞能立廟以
崇奉也香火之供虔矣而父母之養未必其能孝敬也財
力之施惟恐其不及矣而宗族戚里之間雖一錢一帛之
微不肯輕予卽有饑寒困苦漠然若無聞也若此者皆神
之罪人也尙何福之求哉今汝輩同心協謀修飾神祠而
歲時伏臘奔走供奉罔敢或後可謂知所以事神矣然在
家行事果能盡協乎理而如所以事神者乎是必反身修
德敬爾祖考孝爾父母仁爾宗族和爾鄉鄰毋貪財而昧

義母以力而凌人母乘人愚弱而苛派其資母欺人孤孀而強取其有庶乎所行質諸神明無愧而惟神鑒觀自默相於冥冥之中矣不然則雖棟宇聳飛金碧輝煌禮意懇懃神豈歆享眷佑之哉時等聞言若有悟者因希登諸石以詔後人

本願寺石佛塔記

馬宗魯

獲鹿城內直東北隅有本願寺寺舊有釋迦石像高二丈八尺唐開元八年丕建奉以大閣閣繼燬於回祿惟石像巍然獨存風雨催淋歷百餘年之久正德丙子僧文秉

發願庀工募緣建塔以護塔廣基銳頂週環法像中爲迴廊登以石磴登者躋攀而上直至浮屠絕頂蓋鹿池西接太行之勝諸峰聳峙相距不三數里鹿溪自城西發源由東南注以去寺壓城隅塔界寺前嵯峨鬱若隱然勝概矣方其海山月上抱犢風來光搖貝闕香散珠林慧日晴雲幻化異狀時冉冉由塔背隱見而或晨夕陰晦憑欄俯視咫尺混沌不辨物色足爲奇觀至於騷人學士攜榼乘春御風寄傲弔古濡毫足爲盛事塔凡十年甫訖功而文秉遂以疾化又四十餘年僧義瑞大懼前功墜泯迺鑿石紀

事用表顛末瑞之用心斯以勤矣或問釋氏苦心崇塔之
故馬子曰彼蓋所謂舍利之說也彼云舍利不化夫化不
化不必論蓋言藏耳余因敘其事而系之銘以詔空門銘
曰維如來門證果是因風頽教弛墜緒孰尋繫文乘師始
大發心莊嚴法界層構拂雲軌行嚴潔照於叢林善士普
濟趨若雲奔重念吾徒弗圖遠業冒於器昏老於顛越又
或攫殖狡獪爲傑貨賄是競權貴是結莫棄一毛以光祖
烈孰窺色相孰識灰劫孰闢照尸孰印心月許盪罔悟爲
宗風孽荒利之側爰啟崇功沈煙石棟鳥語鈴聲經翻貝

葉花落禪宮豈云登岸善願以終斷碑埋剝苔蘚荒殘勝
事銷歇垂四十年雲峰和尚盡然用憐鑿石鼎建昭示後
先仰藉慈航心力是殫儒流作訟永紹厥傳

七古

謁韓侯祠

李揆英

廬江人

一層兩層峰峯嶽左盤右盤路如窟淙淙泉聲問其源相
傳淮陰駐軍鹿跑出屹然古廟大路傍此是淮陰舊戰場
抱犢山頭窺趙壁背水示弱開漢疆迄今千載事猶在人
指山邊舊時寨英雄事業總成灰祇有山容常不改我瞻

廟貌尋芳徑簷鐸丁丁心獨醒

謁韓侯祠

縣人 承 楊子南

淮陰侯淮陰侯兵機將畧無儔當時遺蹟今千載猶使
行人話不休土門韓信寨巖巖石列貌貅態固關韓信腦
陰森木擁旌旗裊瑞石韓信嶺突兀雲頂埋高塚山不崩
崖不平韓侯功案山崖同我來瞻拜有遺恨狡兔死兮高
鳥盡吁嗟嗟無雙國士人之傑王齊幾日三族滅高皇大
度豈無恩都來良平躡足調出未央刀上血

淮陰侯祠

給事 中 王 綸

韓侯羞與尋常伍下趙安劉仍滅楚丹心不信蒯生言忠
義昭昭貫今古計成雲夢如弓鳥五湖煙水歸來好舍人
一告變如何未央血染宮前草相君之背雖極貴料君之
心不忍背漢王也是薄情人遂使韓侯無遺類千載令人
良可弔鶴聲嘹唳猿聲嘯水流不盡古今情一輪明月山
頭照

韓廟傾碑

魏述祖

邑人

迺翁尙想羹入口鐘室何惜烹走狗南越大酋韓易韋天
祚爾勳繇爾後最累最荒祠中蝌蚪剝落眠霜風當年

背水功成日，草山拔幟何其雄。

淮陰侯祠

邑令 韓國瓚

廣靈人

淮陰將兵真奇絕，背水成功陣勢別。置之死地而能生，將軍機神心血竭。可憐敵國一朝亡，遂使謀臣隨時滅。假如烏騂尙蹀躞，諒不謀濺未央血。逢迎豈測蕭相心，辟穀應讓留侯哲。祇今漢祚安在哉，士人拜侯景人傑。西山古廟鹿水流，耿耿忠魂危石咽。

古槐行

在明靈王廟中三株並峙相傳爲唐時植

崔安域

邑人

城西古廟之古槐三株合抱古城隈，相傳此樹忝千載應。

是層人手自栽從來古樹多殘缺此樹生成更奇絕古形
怪狀各不同相爲鼎峙成行列一株昂首望雲霄一株曲
背如耄耋一株瞥見毛髮森龍螭怒攫相蟠結陰陽向背
結構成枝交葉接難剖別上棲千年老鶴巢下藏百歲蟻
蟻穴手撫風霜剝蝕痕靈根應不記朝昏嘗聞邑自開元
徙莫道唐槐論不根槐街槐市今何在羨爾青葱此尙存
流連欲入南柯夢且拂莓苔樹底蹲

讀淮陰侯傳

朱廷棟

邑人

國士西京之無稽中原馳驟披榛莽散甲陰陵功震主不

泛陶朱五湖艣獻罷楚囚作漢虜當年漁釣淮陰浦功名
之士貧且窶富貴終當抵掌取從楚僅隸郎中簿入蜀登
壇愛柯斧背水成軍方一鼓趙幟拔盡漢幟樹若思鼎峙
三分土鷓蚌一收水之滸既不背漢謀跋扈何事封齊要
高祖高祖誠智韓侯魯陰爲忌刻陽摩撫憶昔沛中豪傑
聚亭長腹無書半部劍提三尺走寰宇鴻門宴上一斗醪
玉玦三提劍雙舞君臣之命懸如縷垓下美人泣如雨二
十八騎無勇賈翠華高枕心疾愈問誰血戰力同努獵狗
爭功競夸詡淮侯羞與灌噲伍帶礪盟符怨輕剖亦復拔

劍醉擊柱躡足疑已藏腹肚因遂懼其鼠變虎澤中伏甲
圍如堵兔死僅同魚遊鰓曩時帝未得天佑吏送錢三蕭
何五小惠益封二千戶況乃擒餘復滅羽離昧何忘舊恩
溥食其竟蹈烹身苦不誅蒯徹示嗔怒又握陳豨言肺腑
且謂將才古罕睹逐鹿將軍握兵琥斬蛇天子真乳豎
書篝火正爲件禍機不卽此時杜卯金社稷玩掌股僞遊
旣繫雲夢組詭計復張長樂罟門內家僮爲毒蠱宮中老
婦作竅竊功不銘鐘血釁鼓黃金曾報漂絮姥白刃不加
出胯侮矧當遇合拜幕府杯羹尙忍飲慈父菹醢何惜食

夏輔大風擊筑歌聲吐空思猛士究何補君不見碎穀留
侯仙栩栩三族同全世系譜又不見雲臺上將鬚眉古奕
世人人說光武君臣一朝相舛午富貴功名皆臭腐古來
兔死狗烹何勝數千載明良堯舜禹

淮陰侯

前人

淮上寄食諸母漂胯下遺羞衆年少王孫懦怯市民笑滕
公帳下活餘生蕭相廷前答美情國士寒微軍衆驚陣破
陳餘泚水渡兵催項羽烏江路齊王神武漢王懼雲夢澤
裏帝張維長樂宮中女暴尸淮陰悽慘族人悲

五古

謁韓侯祠

陳路坦

華亭人

功名震主盛持盈美恬然侯以蓋世勲赤族良可憐非關
舍人告非關呂后專疑生躡足時隙在徙封前蕭何最反
覆不但不幹全至今井陘口哀魂咽鹿泉不聽蒯通語此
心日月懸

淮陰侯祠

直指使
于文鏞

龍虎鏖秋風生靈泣紅雨仗劍登高壇居然定寰宇男兒
建此業如君亦稀矣造物忌完名何須憾兒女

謁韓侯祠

葉紹雷

肅肅下趙功瞻侯懷赤幟生致廣武君此策居第一先著
既已爭全局無庸力舉首燕齊空置足楚漢畢甯爲黥布
儔恥與絳灌匹不謂真王姿阨此僞遊役少年百草菱脰
下英風熾當日釣淮濱誰知能廟食

其二

前人

廟貌枕高山百祀同仰止王孫誰復哀國士真難比勒石
弔英雄今古不可紀斷碑等列柵殘龜同臥壘宛似登壇
時多多益善矣賀也陋諸家眼大知所以重瞳百戰灰隆

準三屈指不朽卽長生何羨赤松子

謁淮陰侯祠

顧爾行

吳興人

征驂憩井陘弔古閒徘徊獨上韓侯祠韓侯安在哉伊昔
楚漢時兵甲填膺懷棲遲淮水磯惡少相凌詼一爲相國
奇爰登大將臺十萬貔貅士貫序銅魚該拒項爵鴻溝漢
業日以恢陂波萬人杰煢煢九里灰侯封王齊烈班史頌
崔巍詎謂漢家王豁達多疑猜有道恩猶薄雲夢生孽媒
空切蒯生悔終貽鼎俎災悠悠千古恨山鬼動餘哀羨殺
同功者辟穀訪蓬萊

淮陰侯祠

縣令

易道沛

楚人

樹幟山猶在拔幟人何有論古人功過要使古人受釋趙
存外懼安身良平右未讀黃石書貪功不顧後有才滅強
敵無術逢驕后一旦功之魁械爲罪之首本高帝之心借
彼婦之口淮陰有情人千金曾報母曾記登壇日何人愧
爲友後人心不平身死說功狗漢帝純機鋒淮陰真長厚

七絕

淮陰侯祠

宋

邵雍

韓信事劉原不叛蕭何惑漢竟生疑當初若聽蒯通語高

祖功名未可知

淮陰侯祠

楊

爵

富平人

遙憶當年拒蒯生將軍心事自分明可憐宇宙無窮恨盡
在中宵悲樹聲

謁韓侯祠

方山書

江西人

形迹可疑應已久禍機原不在家僮居功短處誰能解看
破公心獨蒯通

題淮陰侯十絕

孫化龍

邑人

廟貌千秋枕鹿泉鄉關瞻拜自髫年今朝偶把遺編玩往

事傷神倍黯然

秦人失鹿楚猴爭列國干戈四野橫屈指扶劉成帝者將
軍勳業冠西京

帶礪山河控楚城淮陰故里錦衣行當年胯下堪成笑千
載英名宇宙轟

楚歌方罷漢君移烏盡弓藏事足悲雲夢一遊人傑縛功
臣從此志多疑

南鄭登壇駭萬兵未央鐘室大成烹興亡盡出蕭何手青
史空留國士名

漂蓬河邊一飯恩千金終報自王孫誰知蓋世功勞將三
族同爲地下魂

將軍兩拒涉通語心事昭昭萬古明祇爲功高能震玉身
亡猶被不臣名

葦山背水土門灣破趙擒餘指顧間遺廟蒼苔人寂寂一
輪明月水潺潺

冠蓋周遊感慨情千年碑碣日多傾不緣忠義孚天地安
得春秋廟祀闕

莫怪元勳災禍從古來富貴定多凶浮名浮利休迷戀一

壑一邱任所逢

淮陰侯祠

蔡震

鳳陽人

雲夢初擒正好休此心不解又封侯當時蒯徹曾言相忠
義將軍肯背劉

謁韓侯祠

正定府知府劉應時

河東人

褒斜壇上將星高函谷關頭殺氣豪魏趙燕齊成席捲卻
教勳業屬蕭曹

其二

漢興自識登真傑齊破何須作假王附耳數言回上意于

年遺恨此山藏

其三

漢王兵北成皋門侯也軍臨修武屯入臥取符猶未起君
將細柳一評論

其四

鼎足分王自不難君臣大義重如山誰知恩怨隨時結國
士翻憐市井看

其五

九里山前雲陣橫將軍蓋世一英雄只緣勇畧疑真王謾

說當時不賞功

謁韓侯祠

蕭如薰

關中人

書墨秦原跡已灰漢家羅將亦荒臺獨憐烏盡弓藏後咽
咽河流爲爾哀

謁淮陰祠侯

邑令

周

棨

常熟人

間道三千赤幟雄鼓行破趙笑談中誰言年少貧無行西
向尊師儒者風

其二

唾手三齊意氣揚將軍英雄洵非常如何泯得要君迹明

欲寄空詩假王

其三

功高震主動招尤保節全身最上籌當日主恩深厚處後
車雖縛尙封侯

七律

淮陰侯祠

宋
韓琦

破趙降燕漢業成兔亡良犬日圖烹家僮上變安知實史
筆加誣貴有名功蓋一時誠不滅恨埋千古欲誰明荒祠
尙枕陘間道澗水空傳哽咽聲

淮陰侯祠

劉因靜修

饑僮羸馬倦重遊萬將分兵此坐籌滅項豈知秦尙在奪
齊始覺漢無憂英彭一體誰遺類絳灌諸孫自列侯愛煞
鹿泉泉下水亂山百折只東流

其二

許身長大笑君癡快快難勝已自危智數相推甯免死才
名如此豈無疑兩年藩鎮真猶假十載君臣喜又悲最恨
當時蕭相國直教三族到全夷

淮陰侯祠

大學士幸菴

彭澤蘭州人

躡足封時已見疑，僞遊擒處禍應基。
須知蹙頂安劉後，不
是登壇授鉞時。
既吐正言辭，蒯徹何須握手饒。
陳豨未央
一片英雄血，惟有春秋老筆知。

淮陰侯祠

喬宇
太原人

六國紛爭肇始皇，中原失鹿海塵揚。
楚兵何止七十戰，炎
祚能開百二疆。
自古功臣多被戮，當時丞相獨追亡。
河山帶礪猶如此，終始雲臺說漢光。

淮陰侯祠

楊爵
富平人

酈生終把蒯生棄，草野君臣況可憂。
分土惟知羞絳灌，塗

身何不效留侯荒祠空灑英雄淚青簡還多信史收百戰
功勞千古恨西風落葉暮山秋

淮陰侯祠

孫錦

綏德人

解縛求封計絕癡此身直繫漢安危風塵汗馬心猶壯帶
礪河山誓亦疑宮草淡含人傑淚塞雲高覆鳥聲悲可憐
國士無先見振古令人仰伯夷

淮陰侯祠

大理寺左少卿

羅輅

江東人

數里西過獲鹿城荒祠遺像自神明泉流不盡當年恨山
勢同垂萬古名呂后陰謀非獨創高皇素志欲相傾人間

成敗皆天定何必臨刑憶蒯生

次羅半窗韻

刑科給事中

石存仁

提戈到處無堅城自謀罔似謀人明冥人御極諒非偶假
王請號爲何名狐疑讒間勢相應河山帶礪盟斯傾荒祠
贏得斷碑在使人讀罷吁嗟生

淮陰侯祠

李幼滋

應城人

曾守淮陰謁故祠井陘復得拜英姿勳名許與乾坤共身
世翻令兒女悲莫獻不忘生固在解推欲報死爲期君王
但賜誰非是不信將軍有悔時

淮陰侯祠

王日高

泚水功成帝業安英雄到此退身難
假王漫請誠心莽躡足微言應膽寒
一飯不忘酬漂母三齊詎肯負登壇
名高震主須當避汗馬將軍著眼看

謁韓侯祠

兵備道

鄭一麟

山陰人

北向驅兵下趙時千年境上有侯祠
英靈舉目生如對壁壘遺蹤久尙知
雲起似翻旗旆影風來疑亂鬼神悲
炎劉大業多更變奠酒焚香處不移

謁韓侯祠

高維洪

昆陵人

背水橫行氣概奇功高震主自成疑既辭蒯徹三分說安
用陳豨兩地師漢寢久憐無麥飯君祠猶喜有椒卮古今
堪歎皆如此捫讀殘碑爾許時

謁韓侯祠

前韻

縣令

岳宏譽

毘陵人

拔幟當年事果奇草山登望到今疑策違廣武分兵計功
就王孫背水師山外寒風吹石馬祠前野老奠椒卮多情
鹿邑千秋祀爭似淮陰一飯時

謁韓侯祠

縣令

陳繼祖

浙江人

十大功成漢業收將軍面相止封侯英雄爭羨陘山陣帝

子何勞雲夢遊縱使請齊疑震主須知謝蒯忍忘劉藏弓
竟作千年恨不似淮河一飯酬

謁韓侯祠

兵道

顧顯仁 毘陵人

拔幟傳飧趙壁喧淮陰曾記陣雲屯沙沈折戟河流改蘇
翳殘碑廟貌存進食終償漂母德築壇肯負漢王恩蕭蕭
故壘悲風起猶似驅兵下土門

謁韓侯祠

何出光 豫人

孤軍窺趙下徑關隻騎單車烏道間故壘千年仍背水荒
祠萬木卻臨山鹿泉獨繞祊門綠蟒石空餘箭羽斑漫說

弓藏終古恨君侯元自匪龍顏

過淮陰祠有感

汝南無涯子

東歸石徑拂雲斜往事傷心浪自嗟
松柏森森韓信廟山河渺渺沛公家
王齊適召遊雲夢爲漢虛勞問左車
一代英雄千古恨鳥噉秋樹墮巖花

謁韓侯祠

王虎谷

登壇仗劍曉生風劉項興亡數語中
將將才高官不吝多兵盛戰成功蕭
何已識難爲小蒯徹還知未保終淮
下少年曾忍怯封侯翻恥噲相同

謁韓侯祠

正定府知府 劉應時 河東人

土門駐馬拜韓侯背水當年此運籌不是孤軍探虎穴何

緣萬里割鴻溝鹿泉急溜鳴陘麓珠洞寒雲鎖鎮州總為

漢皇恩信薄英雄時倚北山頭

謁韓侯祠

呂 顥 定原人

千峰旭日抱南阿歲古龍鱗繞柏柯塞上長雲猶作陣祠

前流水自生波三分籌策從通少萬里河山誇仲多國士

誰知非猛士至今空惜大風歌

謁韓侯祠

喬 宇

淮陰舊壘石層層讀罷殘碑感慨增路險卻因山作陣地
窮還背水爲岫虛勞廣武謀先合可奈成安力未勝試問
漢廷諸大將元功當日更誰曾

其二

千秋遺恨在椒房百勝功高折劍鏑已道築壇稱大將如
何移檄請真王心願叛漢終辭徹計托歸韓不及良烏盡
弓藏恩太薄大風歌罷使人傷

謁淮陰侯祠

董學

海昌人

登壇拜將一軍驚從此傾心事漢誠脛口拓功開帝業烏

江底績息雄爭解推恩重忠方竭躡附機深禍已萌只爲
封侯吞口口留侯千古擅高名

淮陰侯祠

張翼先
太和人

古柏參天漢將祠英風猶自抱雄姿奇功豈盡丹青畫故
塞空餘草木悲齊趙聲名原已赫君臣意氣久相期將軍
若有圖王志肯向陳豨躍馬時

謁韓侯祠

姬純讓
米脂人

奪趙扶劉建此祠嘗聞蒯徹福君姿百年帝業揮戈定干
古人心過廟悲自信功勳明可錄誰知機械暗相期英雄

壯志於今烈浪說鐘室後悔時

謁韓侯祠

丁增祐

邑人

巍巍廟貌枕荒村拔幟功高此地存
鹿水春風吹戰血葦山秋月照英魂
請王應怪侯無術烹犬可知帝寡恩
祀享年年遵故事何如當日飯王孫

謁韓侯祠

東阿都御史

李仁

招尋背郭靈巖寺仄逕盤迴芳樹多
仙梵拂煙開俎豆軍麾盡日駐巖阿
春深夜發迷椒運歲久僧貧種朮坡更欲
捫蘿窮勝覽晚風吹雨暗關河

淮陰侯祠

提學副使 周 宣

山擁獅猊臥復蹲分明兵衛護重門混沌鑿後餘殘竅
蚪年深失舊痕仙驥何時歸碧落神丹無火炫朝暎袖中
一卷參同契欲起軒轅與共論

其二

虎鬪龍爭日搶攘英雄堪羨亦堪傷項亡畢竟無他志齊
破何疑作假王自是龍顏似鳥啄幾曾鳥盡必弓藏荒巖
一點淒涼月夜夜移光照寢堂

韓廟傾碑

邑令 韓國瓚 廣靈人

樹幟山前古跡真，我懷遺事恨千春。
興劉爭羨無雙士，拒蒯誰憐不背臣。
古廟塵封埋戰血，殘碑雲鎖泣冤神。
可憐一片淒涼月，夜夜空堂冷照人。

五律

淮陰侯祠

吏部尚書唐龍漁石

擊始登壇日，機成躡足時。
陰陵纔散甲，雲夢已張維。
盟誓山河改，勳名兔狗悲。
他年思猛將，空發大風詞。

韓廟傾碑

兵道俞憲

霸業留孤廟，空山積斷碑。
銷沈今已久，愧悼復何爲。
字剝

餘弓烏銘哀異鼎彝傷心衰草上片片土花垂

進士

邱上峰

虔南人

韓廟傾碑

當年窺趙壁背水誓奇師漏盡雄葵困弓藏雌雉欺跌迴
難壽座剝蘇少完碑劍氣丹青黯風微不露旗

淮陰侯祠

駱鍾麟

十錦

古廟依山麓奇功甸井陘既能開社稷自是有神靈鹿水
千秋碧螺峰一片青居然成帶礪何用勒丹銘

謁韓侯祠

崔

鏞

關中人

陳趙屯兵地英雄逐鹿秋井陘軍鼓出泚水義旗收故壘

今何是寒泉空自流荒祠千古淚遺恨在封侯

謁韓侯祠

李

璘
華亭人

知己惟漂母良朋獨蒯通英姿藏古廟烈氣繞長虹山靈
靈旗外雨昏社鼓中可憐淮水上依舊一川風

謁韓侯祠

四首

魏裔介

柏鄉人

望望行將夕孤城起暮煙沙深遲戰馬野闊響秋蟬鬼哭
韓侯廟雲崩背水川明朝九曲路叱馭莫屯遘

其二

大漢承天運偉哉命世才士門赤幟出河朔陣雲開相背

豈君意假王是禍胎未央鐘室血噴億有餘哀

其三

咄咄蒯通計豈知烈士行秘謀羞絳灌武畧出良平漢世
無茅土中原幾戰爭拜瞻遺像肅古廟近荒城

其四

舍人書不載告變豈無詒赤族酬龍準扁舟媿子皮奇兵
吞趙魏古屋泣熊羆呂雉誠多詐恐令漂母悲